

Baḽa gba Polopi omabhuka na gũdhũ na Loma

© 2016 Wycliffe Bible Translators, Inc.

Licence - Creative Commons CC:BY-NC-ND

Balua gba Polopi omabhuka na gadhua na

Loma

Eli na kalanu

Balua inde li Polo aye nani e pi omabhuka na Loma-a , ani aye nani ngu napa pi uo me ni ne gumu ngu nanu atsia Dadjua na gadhua na Loma. Gumu gba ani adu me ni mene mbo kulu ne omabhuka inde oo, ngubula nedhinga bedi amba u teteke di ni ngubula nanu abhu Esipanye. Ani aye balua ango-o ngu nakpokpo lele maka ani ambila lele nabhuka bhú Yesu nde lie di ne ongu inde li nabhuka ango-o ngamene e, ngubula makobho gba omakilisito. Engu li Polo akpokpo e hana abhu bhuku inde.

Pita li Polo ayi okpala na Dadjua na gadhua na Loma di ne ani ayo Ebhe pi uo lie-e, ani akpokpo engu na ngbengbe inde bhú balua pi uo, engu inde me: Bádha Ngali ngasuno maka li Ebhe ngamene lie me okpala kolo ngbingbili: a ko ka nabhuka, nayie li lilita akolo ali soso (1:17).

Pipita-a, Polo atsia abhulu 'ngu ango-o. Ani apa me: i du omaYuda, i du die omupagano, a ayo me u kolo ngbingbili kala Ebhe. Padhá de, anga ndu uo hana amene siti 'ngu. Abhomu-o, li soso, Polo aye ongu pindji lele nandu ka makobho gba omakilisito, ane la mane li kpadji na mukanda bhú nandu nadjé lio ne okpala koko. Ani atsia agama matá 'ngu pindji ongu maka kulu gba Ebhe, ne engu inde a ayo me omakilisito mene e pi ongámasi na doto, ne bhende gba okpala sunda o. Ani abu ta balua gba e ne nakpokpo 'ngu gba e makpe di ne oeli bhe nadhoge Ebhe.

Ongbengbe ongu inde bhú bhuku inde-e ngae inde:

Eli na kalanu ne engu na ngbengbe inde bhú bhuku inde 1:1-17

Gumu nasia makobho 1:18 – 3:20

Mabhundja gba Ebhe ngubula mukobho 3:21 – 4:25

Mukobho na mbia bhú Kilisito 5:1 – 8:39

Isalaele bhú mabhundja gba Ebhe 9:1 – 11:36

Lele dasundu gba omakilisito 12:1 – 15:13

Eli na soso ne nayi okpála 15:14 – 16:27

1

Polo yi omabhuka na gudhu na Loma mayi

¹Ma aye balua inde-e ngama Polo. Ma ne bali gba Yesu Kilisito . Ebhe a'i ma me ma du ne bhulu titima gba ni, ani atsia a'o ma kpi pi e ngu nanu nakpokpo Bádha Ngali gba ni-e pi okpála.

²Ebhe apa nani bhutode me ni atima Bádha Ngali bhomu-o pi okpála li kpadji gba opolofeta gba ni-o. Ani apa nani engu angu-o bhú Bhuku gba e-o. ³Bádha Ngali angu-o pindji ndili gba ani Yesu Kilisito inde Ngamá gba ni-o. U azu ani bhú kute bhú piga gba 'ngbé ngamá Davidi. ⁴Engu bini, li kpadji gba Bu Bhobua-a , ani asuno lie maka Ndili gba Ebhe bhú angu nedhinga ani azuku lie bhú ká okpála inde amu-o. ⁵Li kpadji gba ani-e, Ebhe asuno bádha bhú 'bu muma me ma kolo bhulu titima gba ani. Ma ne bhulu titima ngubula me ma gbele ndu okpála inde ne omaYuda ade-e hana me u bhuka Yesu Kilisito, u manga ani, amba u toko la di ani. ⁶Ngayi okpála na Loma-a , yi di bhú ká okpála bhomu-o, ngayi okpála inde li Ebhe a'i o me yi kolo di okpála gba Yesu Kilisito-o.

⁷Ma aye balua inde-e pi ndu yi hana, ngayi okpála inde li Ebhe nde ne mukunda pi o-o, ani atsia a'i o me yi du bhú mukobho pi ni-o. A ayo me Ebhe 'Dyi ní, ne Ngamá gba ní Yesu Kilisito suno bádha bhú 'bu gba o-o pi yi, amba u ha di guo 'ngu pi yi.

Polo apa me ni ne gumu nakpokpo Bádha Ngali gba Ebhe-e pi ndu okpála hana

⁸Kala ndu 'ngu hana-a, ma ngagie heni pi Ebhe gba ma li kpadji gba Yesu Kilisito. Ma ngagie heni pi ani li 'ngu gba ndu yi hana, anga okpála na píla doto libhomu ngakpokpo 'ngu pindji nabhuka gba yi-o. ⁹Ndu nedhinga hana, ma du

nayo Ebhe-e, ma ngayo ani ngubula yi. Ebhe apá li ma ngae me a ko kúkulu 'ngú. Ma ngamene kulu lima pi Ebhe bhomá-o li kpadji nakpokpo Bádha Ngali inde atsia Ndili gba ani-o. ¹⁰ Ma ngayo Ebhe ndu 'kpí hana me ani kúnda-a, ani de bhulu kpadji máma me ma kolo li yi. ¹¹ Padhá de, anga ma ne gáma naali me ma u yi ngubula me yi sia di bádha bhú 'bu inde ayie ka Bu Bhobua-a, amba yi sia angu li bua yi. ¹² Ma akúnda mangbo napa me ma ne gáma nakolo li yi ngubula napa me ní to angu bhú ní sánda ní ne yi. Ka nabhuka ní nde ne e bhú Kilisito-o, ma to angu bhú yi, amba yi to di angu bhú ma.

¹³ Ondaise ma, yi mbila me bhútsibhútsi, ma adu ne mabhundja nanu agba yi, engú bini, ma sia nga kpadji de nato pi naki. Ma ne gáma nago gba yi ngubula me kulu gba ma-a zu di nguwa agba yi maka a azu di nguwa lie agba opiga koko inde ne omaYuda ade-o. ¹⁴ Kaka-a, a ayo me ma kpokpo Bádha Ngali pi ndu okpála hana, abana i du pi oGiliki di ne pi okpála inde ne oGiliki ade-o. Ma akpókpo Bádha Ngali bhomá-o pi okpála inde amene balua di ne obhende i mene balua de. Ebhe aha bhobhomá-o máma ngae. ¹⁵ A bhomá-o ta 'ngú inde ma nde lie ne gáma nago nakpokpo di Bádha Ngali pi yi, ngayi okpála inde ngadulu bhú gudhu na Loma-o.

¹⁶ Ma belegu ne nunu ade ngú nakpokpo Bádha Ngali-o. Padhá de, anga a bhúbhú ne angu inde li Ebhe ngamene kulu ne e ngú nakobho ndu okpála hana inde ngabhuka-o. Ebhe ade kpadji angu-o ngú nakobho ngaiza omaYuda, pipita-a, okpála inde ne omaYuda ade ko. ¹⁷ Padhá de, anga Bádha Ngali angu-o ngasuno lele maka li Ebhe nga'o okpála lie ngbingbili bhú djila e-o. Kpadji angu-o ngakpo lita e bhú nabhuka, engú koko kekele ade. A maka li Bhuku gba Ebhe-e apa lie me: «Kpála inde abhuka Ebhe-e, Ebhe méne me ani kolo bhú djila ni ngbingbili, a ko kpála inde bhú kúkulu mákobho.†»

Bua Ebhe ngake ne osisiti 'ngú gba okpála make

¹⁸ Li Ebhe nde lie abhúlá-a, ani ngasuno mbámá me ni ngazi mbutu li ndu osisiti 'ngú hana inde li okpála ngamene e li ani-o di ne bhe li okpála ngamene e

†1:17 Tsia bhú Abk. 2:4.

súnda o-o. Aní ngazí mbùtù anga ndù osisiti 'ngú lí okpála ngamene e ngani kpadjì me okpála koko ambíla kùkùlù 'ngú de. ¹⁹ La-a, engú inde ayo me okpála mbíla e lí pápá gba Ebhe-e mbámbá pí ndù okpála hana. Ebhe ngae makpe apana pí uo mbámbá.

²⁰ Padhá de, anga nayie maka lí Ebhe abho kokpí ne doto lie nakolo pí naki-e, ndù oehe inde aní abho e hana ngasuno aní mbámbá me aní maka da-ie. Oehe bhómù-o ngasuno me a bhú aní ne angu na dádùma, oehe bhómù-o la bhadi ngasuno mbámbá me a ko Ebhe. Kaka-a, Ebhe tí da nambu lí okpála inde azíba siti 'ngú-o de. ²¹ Padhá de, anga abana u ngambíla lie hana me Ebhe ùù-o, u dhөгө aní de, u gie la di heni pí aní de maka ayo lie me u mene pí aní-o. Engú bini, mabhundja gba uo-o atí ngingi, bua uo bhú bití, u mbíla matá bádha 'ngú de.

²² U ngapa me a bhú 'ndjì o ne ímbílangù, engú bini, u akolo obhùlù pele. ²³ Pí uo-o, ngú napa me u dhөгө sangu gba Ebhe inde bhú mükobho dádùma ne dádùma-a, u mene mo-o de. U mangbo ngadhөгө okulu 'he inde lí okpála abho o maka o-o. La-a, kpála bhú mükobho dádùma ne dádùma ade. U di ngadhөгө okulu 'he inde lí okpála abho o maka oedhu, maka onù di ne obhende ngagbeke lío ne 'bu o kuto.

²⁴ Kaka-a, Ebhe atse 'kpa lí uo me u mene ongú na sisiti inde lí bua uo ngakùnda me u mene e-o. U ngamene lie mo-o, u bhómù-o ngamene engú na nùmù lío súnda o. ²⁵ Ngauo-o, u a'o nabhuka kùkùlù 'ngú inde atsia Ebhe-e lí ngongo, u atsia abhuka eu. U ngadhөгө oehe inde lí Ebhe abho o, uo di ngamene kulu lío pí oehe ango-o, engú bini u dhөгө Ebhe inde abho ndù 'he hana ngae de. A ayo la me u de atoko mangbo aní dádùma ne dádùma. A adù moko!

²⁶ Kaka-a, Ebhe atse 'kpa lí uo me u mene ongú na nùmù lí gùmù e asi bhú uo bedhe-o. Olisì gba uo-o nga'o ká obhosì, u ngadhùkù ne obi o olisì mada obhosì.

²⁷ A bhadi pí obhosì moko. U di nga'o ká nadhùkù ne olisì, u abedhe mangbo ne gùmù nadhùkù ne obi o obhosì mada olisì. Obhosì ngamene engú na nùmù ne obi o obhosì koko. U ngagbele pí o makpe bhómù-o ke 'ngú gba Ebhe inde atí ne ngua siti 'ngú u amene e bhómù-o.

²⁸ Maka lí okpála bhómù-o ayala lie nambíla kùkùlù 'ngú inde atsia Ebhe-e,

Ebhe atse 'kpa li uo me u abhúndja matá ndjindji de, di ne me u mene engú inde ayo de me u mene e mo-o de. ²⁹ Sisiti 'ngú abedhe li bua uo bedhe, u abedhe ne gumu 'he gba okpála koko, a ko okpála na siti bua , u ngadje siti bua li obi o naali, u ngabhili obi o, a ko obhulu nagbe bhayiki, a ko obhulu kali, a ko obhulu napa eu ne 'li obi o. ³⁰ U ngapa 'ngú lio sunda o sisiti, a ko obhulu yala gba Ebhe, u ngasobho obi o, u ngadje kate o, u ngapa 'li o, uo ndu 'kpí hana bedhe 'ngú nabhundja siti 'ngú koko na mbia, u manga okpála azu o-o de.

³¹ Bubua li uo ade, u ngapa 'ngú ne 'li o bhisi bhisi, u ne mukunda pi obi o ade, ndjinga bhú uo ade. ³² U mbila hana me 'li Ebhe apa me okpála inde ngadhuku li ngua kpadji bhomu-o ati ne nakpi. Abana u ambila lie mo-o hana-a, u bha bini nganu ne kalanu bhú namene ngua osisiti 'ngú bhomu-o. Bhe ane la matá mane-e, u ngakpi ndjili li okpála inde ngamene ngua osisiti 'ngú bhomu-o.

2

Ebhe ngakodho 'ngú gba okpála li lelele

¹ Ngamu kpála bhende a'o lie bhú dá djudji ngú nakodho 'ngú gba okpála koko-o, abana mu da bha ne da-ie, Ebhe mbú li mu de. Padhá de, anga nedhinga mu ngakodho 'ngú gba okpála koko lie me mu nde bhadi ngamene 'ngú maka uo-o, mu ngato ngulu mu bhú 'kpí bhomu-o ngamu makpe. ² Ní mbila hana me Ebhe ngakodho 'ngú gba okpála inde ngamene ngua sisiti 'ngú bhomu-o li lelele. ³ Ngamu kpála inde ngakodho 'ngú gba okpála koko li ngua siti 'ngú inde ngamu makpe mu ngamene e-e, mo obhundja naamu me mo onéke mangimbo gba Ebhe-e maneke?

⁴ Nedhinga koko-o, mu ngau Ebhe bhú djila mu padhá, anga ani babadha naali, ani di ne 'ndjá bua, ani di ngandjili má bulu li osisiti 'ngú mu ngamene e-o. Mu u de me ani ngamene mu ndjindji ngubula me mu dji bua mu-o di? ⁵ Ngamu-o, mu ne kpéke 'ndji, mu kunda nadi bua mu de. Kaka-a, mu bhomu-o ngagbele pí 'ndji mu mangimbo bhende ane la matá mane bhú ekpí inde li Ebhe asúno ke 'ngú gba e lie, ani tsia kódho di engú gba okpála hana ngbingbili-o. ⁶ Ekpí

ango-o, ani ahá makalá pi kpála ne kpála li lele kulu gba e inde ani amene e-o.[†]

⁷ Ani ahá mukobho na duduuma pi okpála bhende adhedhe li namene bádha 'ngú-o. Okpála ango-o ngagili sangu sakpa ani, u ngagili me ani pa 'ngú gba o-o ndjindji, di ne me o sia mukobho na duduuma.

⁸ Engú bini, ani asúno ke 'ngú gba e pi okpála bhende agbe kpéke 'ndji li ani-o, okpála inde ayala kukulu 'ngú inde di ngaziba namene siti 'ngú-o. Ani aké 'ngú lie pi uo na kuo kuo! ⁹ Ndu okpála hana inde ngamene siti 'ngú-o, asía likabhu bhe na kuo kuo! Likabhu ango-o akpó ngaiza li omaYuda, pipita-a i ké di li okpála inde ne omaYuda ade-o. ¹⁰ Engú bini, Ebhe ahá sangu pi kpála ne kpála inde ngamene bádha 'ngú, ani apá 'ngú gba uo-o ndjindji, ani tsia há di guo 'ngú pi uo. Ndu babadha 'ngú bhomu-o hana, Ebhe ahá ngaiza pi omaYuda, pipita-a ani tsia há di pi okpála inde ne omaYuda ade-o. ¹¹ Padhá de, anga Ebhe ngakodho 'ngú gba kpála ne kpála li lelele, ani tsia bhúla kpála de.

¹² Ndu okpála hana inde ngamene siti 'ngú mandi nambila líli gba Moidje-e , amú mamu, nakpi gba uo kpáta la lele líli gba Moidje de. Engú bini, ndu okpála hana inde ngamene siti 'ngú me u nde ambila líli gba Moidje hana-a, Ebhe akódho bhadi 'ngú gba uo-o nakpata lele líli bhomu-o.

¹³ Padhá de, anga okpála inde ngbingbili bhú djila Ebhe-e, a ko obhende ngadje líli gba Moidje ne 'dje o-o de, engú bini, okpála inde ngbingbili bhú djila Ebhe-e, a ko obhende ngamene engú maka li líli-e aziba lie-o. ¹⁴ Okpála inde ne omaYuda ade-e, u mbila líli gba Moidje-e de. Nedhinga koko, u la ngamene 'ngú maka li líli apa lie. Bhobhomu-o asuno me líli ango-o asi kúti e abhú uo, belegu u mbila lie de-o. ¹⁵ U bhomu-o ngasuno me engú inde li líli-e apa e asi kúti e li bua o. Bua nakpokpo ku 'ngú ne mabhundja gba uo-o bhadi ngasuno moko. Nedhinga koko-o, u ngambila me o omene engú ndjindji ne me o omene sisiti. ¹⁶ A bhomu-o engú inde akóto ekpí inde li Ebhe akódho 'ngú gba okpála lie li kpadji gba Yesu Kilisito-o . Ekpí ango-o, Ebhe akódho 'ngú gba okpála maka li Bádha Ngali inde ma ngakpokpo e ngapapa lie-o. Ebhe akódho 'ngú ango-o pindji ongú inde awo

[†]2:6 Tsia bhú Ets. 62:13, di ne bhú Gbt. 24:12.

lie mawo, inde li okpála ngabhundja e li bua o-o.

OmaYuda na ~~kukulu~~-o ngao dho?

¹⁷ La ngamɛ kpála inde ngapa me ni ne maYuda-a, mɛ ngalɛ pɛ líli gba Moidje-o, mɛ di ngabhi 'kpa mɛ pɛ mbulu mɛ me ni ne kpála gba Ebhe. ¹⁸ Mɛ mbila engú li Ebhe akúnda e hana, líli gba Moidje asuno la bhadi pɛ mɛ ndjindji me engú inde babadha ngae dho-ie. ¹⁹ Mɛ ngabhundja li bua mɛ me ni ngasuno kpadji pɛ okpála inde i u kpí de. Mɛ di ngabhundja li bua mɛ me ni ne zi 'kpí pɛ okpála inde bhú biti-o. ²⁰ Mɛ ngabhundja li bua mɛ me ni ti da nasuno 'ngú pɛ okpála bhende imbila 'ngú de-o. Mɛ di ngabhundja li bua mɛ me ni ti da nasuno 'ngú pɛ okpála bhe i bhele nga li kpadji gba Ebhe-e de-o. Mɛ ngabhundja me líli gba Ebhe-e asuno imbilangɛ ne ~~kukulu~~ 'ngú pɛ ni hana.

²¹ Kaka-a, ma ngayi mɛ me, ngamɛ kpála inde ngasuno 'ngú pɛ okpála koko-o, mɛ suno 'ngú angoo pɛ mɛ ngamɛ bhɛbhɛlɛ de ka ni? Ngamɛ kpála inde ngapa pɛ okpála me u azí 'he de-e, mɛ ngazi 'he ka ni? ²² Ngamɛ kpála inde ngapa pɛ okpála me u akúnda ɛlɛ, i dɛ di-e bhoko gba kpála koko de-e, mɛ la ngakúnda ɛlɛ, i dɛ di-e bhoko gba kpála koko ka ni? Ngamɛ kpála inde ngayala engú na oebhe na eu-o, mɛ la ngabha oehe bhú 'ti nayo gba uo-o ngú ni? ²³ Ngamɛ kpála inde ngabhi 'kpa mɛ pɛ mbulu mɛ me ni mbila líli gba Ebhe-e hana-a, mɛ nde la ngandjo líli angoo, okpála ngasiti 'li Ebhe ka mɛ, anga mɛ ngamene engú maka li líli gba ani-e apa lie ade. ²⁴ A maka u aye lie bhú Bhuku gba Ebhe-e me: «Okpála inde ne omaYuda ade-e ngasobho 'li Ebhe ka engú li ngayi omaYuda yi ngamene e-o.†»

²⁵ I dɛ me mɛ nde ngamene engú maka li líli-e apa lie, nali gandja pɛ mɛ ne tata. La-a, i dɛ me mɛ nde mene engú maka li líli-e apa lie de-e, a mana mɛgito me mɛ li gandja de. ²⁶ La di-e, li kpála inde i li gandja de-e dɛ namene engú maka li líli-e apa lie, Ebhe ú ani mɛgito me a ko kpála bhe ali gandja. ²⁷ Kpála inde i li gandja bhú kɛte de, engú bini, inde i ngamene engú maka li líli-e apa lie, akódho 'ngú gba mɛ-o ngae, ngamɛ kpála inde i kpata líli-e de, abana inde lie me

†2:24 Tsia bhú Isa. 52:5.

a ka m̄ ne líli, m̄ nde ali la di gandja-o.

²⁸ Padhá de, anga a ko de me k̄k̄ul̄ maYuda-a, a ko bha bhende li okpála ngau e li k̄ute e de, inde ali di gandja bha li k̄ute e de, ngú napa me okpála u ne djila o-o de. ²⁹ La-a, k̄k̄ul̄ maYuda-a, a ko bhende ne maYuda li bua e, inde ali gandja li lele Bua gba Ebhe, inde i li gandja bha bini ka líli-e de. Kpála ango-o, Ebhe ngatoko ani ngae, okpála toko ani ngao de.

3

Ebhe nd̄ 'kpí hana bedhe ngú namene engú inde ani apa me ni améne e-o

¹ I d̄ me a nde mo-o, ta nad̄ ne maYuda ne ni? Nali gandja ngateteke kpála lele pi? ² Nd̄ 'ngú bhom̄-o hana bha ndjindji! Ebhe ambamba ngaiza nani ta engú gba e pi uo omaYuda. ³ A na paká me okpála koko bhú ká uo kpata nani ongú li Ebhe apa e ne bua bini-e de. La-a, Ebhe amene bha naae engú inde ani apa nani me ni améne e pi uo-o. ⁴ Abana li nd̄ okpála hana d̄ bha ne obh̄ul̄ eu-o, Ebhe papa bha naae k̄k̄ul̄ 'ngú. A maka u aye lie bhú Bhuku gba ani-e me:

«Ngam̄ Ebhe, nedhinga m̄ ngagama 'ngú lie,
nd̄ okpála hana ngambila me m̄
ne ngbili kpála .

I d̄ di me u nde an̄ ne m̄ gba okpála nakodho 'ngú-o,
u ú ehe inde ayo me u holo m̄
li e beleḡ de bini.†»

⁵ Ma gama nga 'ngú nakpata lele maka okpála-kuti agagama 'ngú lie. Nedhinga koko, okpála koko pá me siti 'ngú ní ngamene e ngateteke okpála ngú nambila me Ebhe ne ngbili kpála. U pa mo-o, ní gíe pi uo mangua 'ngú dho? Ní gíe pi uo me a ko paká, Ebhe ne ngbili kpála, anga ani nga'o mangimbo pí 'ndji ní ade.

⁶ Ebhe bha nd̄ 'kpí hana ne ngbili kpála, ani ngakodho 'ngú gba okpála na doto

†3:4 Tsia bhú Ets. 51:6.

kaka.

⁷ Engú bini, okpála koko ti da napa me eu o ngapa e ngagbe kúkúlu 'ngú gba Ebhe bhú mbasú, a di ngaha sangu pi ani. A ko la ni li Ebhe nga'o 'ngú lie pí o mágito me o ne osisiti okpála? ⁸ Okpála koko ngasobho ya. U ngapa li ya me ya apa me: «Ní mene siti 'ngú, amba ní u lele bádha 'ngú inde akóto bhúbhú-o.» Ebhe a'o mangimbo pí okpála bhomú-o a'o. U ati la bhadi ne di.

Ndú okpála hana ngamene siti 'ngú

⁹ Nganí omaYuda-a, ní belegú bhú djila Ebhe ngbéngbé ade da nane opiga koko. Ma apa igini apa me ndú ní okpála hana ní sa líli gba siti 'ngú. ¹⁰ A maka u aye lie bhú Bhuku gba Ebhe-e me:

«Ngbili kpála ade, belegú de bini.

¹¹ Kpála inde ngakè mboli 'ngú ade,
kpála inde ngagili Ebhe-e belegú ade bini.

¹² Ndú okpála hana a'o ká kpadji gba Ebhe-e a'o,
ndú uo hana angita.

Kpála inde ngamene bádha 'ngú-o ade,
belegú de bini!†

¹³ Tangúlu uo mana lata inde li 'bhè e nde bábá.

'Mi uo ngapa 'ngú napite okpála.

Eli inde ngaze bhú 'bhè uo mana sili kpúlu inde ngabhili okpála.†

¹⁴ U ngatú pèdjè li okpála ndú 'kpí hana ne 'bhè o,
u di ngapa oeli na súsú pi uo.†

¹⁵ U ngagu holo ne angu o hana ngú nanú nabhili okpála.

¹⁶ Ndú bili u ngapú li e hana-a, u ngasiti ohe, u di ngato mbolo li okpála.

¹⁷ U mbila kpadji na guo 'ngú de.†

†3:10-12 Tsia bhú Ets. 14:1-3, 53:1-3, di ne bhú Ekl. 7:20.

†3:13 Tsia bhú Ets. 5:10, 140:3.

†3:14 Tsia bhú Ets. 10:7.

†3:15-17 Tsia bhú Isa. 59:7-8.

¹⁸ Tsulɛ Ebhe bhú uo belegɛ ade bini.†»

¹⁹ Ní mbila hana me ndɛ 'ngú inde u aye e bhú líli-e hana, u aye pí okpála inde lí Ebhe aha nani líli ang-o pí o-o. Ebhe amene mo-o ngɛbula nagbite 'bhø ndɛ okpála hana ne napa me ní 'o mangimbo pí 'ndjì ndɛ uo hana. ²⁰ Padhá de, anga kpála bini belegɛ ade inde i ti da nakoto ngbili kpála kala Ebhe ka namene líli-o. Kulu gba líli-e bha bini ne nateteke okpála ngú nambila me siti 'ngú ngae dho-ie.

Kpála ngakolo ngbingbili bhú djila Ebhe ka nabhuka

²¹ Mbia inde-e, Ebhe apana kpadjì inde ngamene lie me okpála kolo ngbingbili kala ní-o. Kpadjì ang-o kpi, a koto lí líli de. Obhuku na olíli di ne obhuku gba opolofeta apa nani engú ang-o kalanɛ. ²² Kpadjì ang-o me, Ebhe nga'o okpála ngbingbili kala e lí kpadjì nabhuka Yesu Kilisito ka uo-o. Aní ngamene mo-o pí ndɛ okpála hana inde ngabhuka aní-o. Ndɛ uo hana ngasia mukobho bha lí koli kpadjì bini inde gba Yesu Kilisito-o. ²³ Padhá de, anga ndɛ okpála hana amene siti 'ngú, kaka-a, Ebhe bhú sangu gba e adjì 'ngbɛ e lí uo adjì.

²⁴ Engú bini, Ebhe bhú bádha bhú 'bu gba e amene me u kolo ngbingbili bhú djila ní padhá. Aní amene mo-o lí kpadjì gba Yesu Kilisito inde ngagbegbe uo sakpa siti-o. ²⁵⁻²⁶ Yesu Kilisito ne kpála inde lí Ebhe abhɛ e me aní kpi mada ní ka siti 'ngú gba ní-o. Aní tuko ngɛte e ngú na'e siti 'ngú gba ní-o. Kpadjì ang-o Ebhe aleke pí okpála bhende abhuka-o. Ebhe amene mo-o ngɛbula me ní mbila me ní ne ngbili kpála. Bhú nedhinga na kalanɛ-o, nedhinga lí okpála adɛ namene siti 'ngú lie, aní adɛ ne 'ndjá bua pí uo, aní adɛ atsia siti 'ngú inde u adɛ amene e mugito me aní u de. Bhú nedhinga na mbia inde-e, aní ngasuno me ní ne ngbili kpála. Kaka-a, aní a'o ndɛ okpála hana inde abhuka Yesu-o me u dɛ ngbingbili bhú djila ní.

²⁷ I nde lie mo-o, engú bini belegɛ ade inde i ti da naha 'ngbé 'ndjì pí ní. Ka ní? Anga ehe bhende ane ne engbé-e, a ko matá namene líli-e de, engú bini, a ko bha bini nabhuka. ²⁸ Padhá de, anga ya au me kpála-kɛti ngakolo ngbingbili kala Ebhe ka nabhuka gba e. A ko de me anga aní amene líli-e hana-a de. ²⁹ Yi abhundja

†3:18 Tsia bhú Ets. 36:2.

naayi me Ebhe bha ne Ebhe ka omaYuda? A ko di Ebhe gba okpála inde ne omaYuda ade-e di? A mo-o ade. A ko di Ebhe gba okpála inde ne omaYuda ade-o. ³⁰ Padhá de, anga koli Ebhe bha bini. Aní amene me ní 'o omaYuda kala ní ngbingbili lí kpadji na nabhuka. Aní améne bhadi pí okpála inde ne omaYuda ade-e moko. ³¹ I dæ me a nde mo-o, a kunda napa me ní u íbili líli-e padhá? A mo-o ade, ní mangbo bhomæ-o nga'o líli-e bhú da e.

4

Nabhuka gba Abalahama

¹ Ní bhundja nga pindji ogbi ní Abalahama. Ní apá lí 'ngú gba aní-e pí? A akolo nani lí aní ne mangua 'ngú dho? ² Lí Ebhe ú nani aní me a ko ngbili kpála bhú djila ní ka obabadha kulu inde aní adæ amene e, Abalahama de adú ne engú inde aní tí da nabhi 'kpa e pí mbulu e ka e-o. La-a, aní tí da namene bhú djila Ebhe mo-o de. ³ Padhá de, anga Bhuku gba Ebhe ngapa me: «Abalahama abhuka Ebhe, abhomæ-o Ebhe atsia au aní me a ko ngbili kpála ka natsia nabhuka gba aní-o.†» ⁴ Ní mbíla hana me lí kpála mene kulu-o, u há kuo 'kpa pí aní tété, kuo 'kpa bhomæ-o ha lie pí aní padhá de. Aní amene ngánga kulu. ⁵ La-a, lí kpála mene kulu de, aní bhuka me Ebhe ngasia obhæli namene siti 'ngú-o, nabhuka gba aní-e nga'o aní ngbingbili bhú djila Ebhe. ⁶ Kaka-a, Davidi ngapa 'ngú na djali gba kpála inde lí Ebhe au e maka ngbili kpála bhú djila e-o, inde aní tsia okulu gba e de-o. ⁷ Davidi apa me:

«A ko djali pí okpála inde lí Ebhe ambu lí ndjondjo gba o ambu,
okpála inde lí Ebhe a'e osisiti 'ngú gba o a'e-o!

⁸ A ko djali pí okpála inde lí Ebhe Ngámá lila
osisiti 'ngú gba o lí bua e de-o!†»

⁹ Engú lí Davidi apa e bhomæ-o, ne me a atsia bha bini okpála bhende alí gandja,

†4:3 Tsia bhú Dje. 15:6.

†4:7-8 Tsia bhú Ets. 32:1-2.

ne me a atsia di obhende i li gandja de-o? Ní de ngapa me: «Ebhe au Abalahama ngbingbili bhú djila e, anga Abalahama abhuka ani.»¹⁰ Engú bhomɔ-o akodho 'kpí nadho? Ne me a ko me Abalahama nde ali gandja ali, ne me a ko me ani nde li nga gandja de? A mo-o ade, a ko kala me Abalahama li gandja.

¹¹ Kala me Abalahama li gandja-a, Ebhe au ani bhú djila e me a ko ngbili kpála. Pipita-a, Ebhe apa pi ani me ani li gandja. Gandja bhomɔ-o adɔ maka ehe inde asuno me ani ngbingbili bhú djila Ebhe kabula nabhuka gba e-o. Kaka-a, Abalahama akolo 'dyi ndɔ okpála hana inde ngabhuka Ebhe mandi nali gandja. Ebhe ngau ndɔ okpála bhomɔ-o hana bhú djila e ngbingbili maka ani au nani Abalahama lie-o.¹² Abalahama di ne 'dyi okpála bhende ali gandja-o. A akɔnda napa me Abalahama di ne 'dyi okpála inde ngakpi bha bini ndjili li nali gandja ade, engú bini, inde ngakpata lele nabhuka inde adɔ nani bhú ogbi ní Abalahama kala me ani li gandja-o.

¹³ Ebhe apa nani pi Abalahama ne odi e me ni ahá doto pi uo. A ko de me Ebhe apa nani engú bhomɔ-o ka anga Abalahama amene líli-e de, a ko mangbo anga Ebhe au nani ani ngbingbili bhú djila e ka nabhuka gba e-o.¹⁴ I dɔ me okpála bhende ngamene líli-e nde asia bha bini ohe li Ebhe apana e ngao, a akɔnda napa me tata li nabhuka ade. La di-e, engú inde li Ebhe apa nani me ni amene e pi uo, a ko 'ngú na padhá.¹⁵ Padhá de, anga nedhinga li okpála adje líli lie, i dɔ me u nde kpata de-e, li Ebhe ké 'ngú lie. La-a, bili li líli nde li e ade-e, u agɔmɔ líli-e lele pi?

¹⁶ A bhomɔ-o engú yi ngau lie me Ebhe apa nani me ni ahá doto pi Abalahama ne odi e kabula nabhuka gba e ngɔbula me a adɔ pi uo maka ehe ani aha e pi uo padhá bhú bádha bhú 'bu gba e-o. Oehe li Ebhe apa me ni ahá e pi okpála-a, a bha bini pi obhende ngakpata líli-e ade, engú bini, a di pi okpála inde abhuka Ebhe maka Abalahama abhuka lie-o. Kaka-a, Abalahama ne 'dyi ndɔ ní hana.¹⁷ A maka u aye lie bhú Bhuku gba Ebhe-e me Ebhe apa pi Abalahama me: «Ma a'o mɔ 'dyi okpála na opiga bhelé.†» Abalahama ne 'dyi ní bhú djila Ebhe inde ani

†4:17 Tsia bhú Dje. 17:5.

abhuka e-o. A ko Ebhe inde ngazuku okpála inde amu, inde di ngabho oehe inde nga ade-o.

¹⁸ Abalahama adu bha ne nabhuka bhú Ebhe, ani atsia adu bha na'o 'to e 'to ani. Natsia la lele ani-e, a ko nani kpála inde i ti matá nani da na'o 'to e 'to ehe inde li Ebhe apa me ni ahá e pi ani-e de. Abhomu-o, Ebhe amene engú ani apa nani me ni améne e pi ani-o. Ani atsia akolo 'dyi okpála na opiga bhelé maka li Ebhe apa nani lie pi ani me: «Opiga gba mu-o adú bhelé.†» ¹⁹ A abhaka me ani nde ne kalanga masikpe de kámá bini. Ani adu nambila ndjindji me ni agbe, ani adu di nambila hana me wala ni Sala ne izude, engú bini, nabhuka gba ani-e gie lie ne sidi de. ²⁰ Ani adu bha nabhuka me Ebhe ahá ehe inde ani apa me ni ahá e pi ni-e maha. Ani du ne bua bhisi bhisi de da napa me ni gbe 'to ni 'to Ebhe-e de. Engú bini, nabhuka inde ani adu ne e bhú Ebhe-e, adu bha naha angu pi ani ngú nanu ne kalanu, ani atsia adu adhögö Ebhe. ²¹ Ani adu nabhuka na paká me Ebhe ne angu ngú namene engú inde ani apa me ni améne e-o.

²² Ka nabhuka gba Abalahama-a, Ebhe au ani bhú djila e me a ko ngbili kpála. ²³ I du me Bhuku gba Ebhe-e nde apa me, Ebhe au ani bhú djila e me, a ko ngbili kpála-a, a ko bha bini pi ani kpi e kpi de. ²⁴ Eli bhomu-o aye di lie pi ní okpála inde li Ebhe aú o bhú djila e me ní ne okpála na ngbingbili-o. Padhá de, anga ní ne nabhuka bhú Ebhe inde azuku Yesu Ngámá gba ní-e bhú ká okpála inde amu-o. ²⁵ Ebhe apu Yesu pi okpála ngubula me u bhөлө ani li 'ngú na siti 'ngú gba ní-o. Ebhe atsia azuku ani bhú ká okpála inde amu-o ngú napa me ní kolo ngbingbili bhú djila ni.

5

Yesu ato guo 'ngú sunda ní ne Ebhe

¹ I nde lie me Ebhe au ní me ní ne okpála na ngbingbili bhú djila e ka ní abhuka ani lie, ní mbia inde-e ne guo 'ngú sunda ní ne Ebhe li kpadji gba Yesu Kilisito ,

†4:18 Tsia bhú Dje. 15:5.

Ngámá gba ní-o. ² Yesu abhulu kpadji pi ní ngae ngubula me Ebhe suno bádha bhú 'bu gba e pi ní li kpadji na nabhuka . Nabhuka gba ní-e alu pí bádha bhú 'bu bhomu-o. Ní la bhadi ngakpi djali anga ní nga'o 'to ní me Ebhe ahá di sangu pi ní maka ani aha pi Yesu lie-o. ³ A pise bha bini li bhobhomu-o de. Ní di ngakpi ndjili bhú likabhu ní ngazu e anga ní ambila me likabhu ngaha pi ní nambila nadu ne 'ndjá bua. ⁴ Nadu ne 'ndjá bua ngaha pi ní nasia angu bhú kpéke da 'ngú, ní sia angu bhú kpéke da 'ngú-o, bhobhomu-o ngaha pi ní me ní 'o 'to ní li engú li Ebhe apa me ni améne e-o. ⁵ Ní du na'o 'to ní 'to engú li Ebhe apa me ni améne e mo-o, a padhá ade. Padhá de, anga li kpadji gba Bu Bhobua-a , Ebhe asuno me ni abedhe ne mukunda pi ní bedhe.

⁶ A ko paká, nedhinga ní adu lie me ní nde ti da nagbe 'ndji ní de-e, Yesu Kilisito akpi li 'ngú gba ní osisiti okpála li nedhinga inde li Ebhe a'o nani e-o. ⁷ Ní mbila hana me, da napa me kpála ziba nakpi li 'ngú gba ngbili kpála kpekpeke. Nedhinga koko-o, kpála ti da naziba mangbo nakpi li 'ngú gba kpála na bádha 'ngú. ⁸ Engú bini, ehe inde asuno me Ebhe ne mukunda pi ní-e ngae inde: nedhinga ní adu nga bha lie bhú siti 'ngú-o, Yesu Kilisito akpi li 'ngú gba ní-o.

⁹ I nde la lie me mbia inde-e Ebhe au ní okpála na ngbingbili bhú djila e li kpadji na ngute ani-e, ní mbila me ní akóbho bhú 'bhø ke 'ngú gba Ebhe-e li kpadji na ngute ani. ¹⁰ Nani kalanu, nedhinga ní adu lie nayala Ebhe-e, Ebhe ato guo 'ngú sunda ní ne o li kpadji nakpi gba Ndili gba e-o. Kaka-a, ní mbila ndjindji me maka li Ebhe ato guo 'ngú lie sunda ní ne o ato-o, ani akóbho bhadi ní li kpadji gba Ndili gba e, anga Ndili ang-o bhú mukobho. ¹¹ La matá pépé-e, ní ngakpi djali li 'ngú li Ebhe amene e li kpadji gba Ngámá gba ní Yesu Kilisito-o. Padhá de, anga ani amene me guo 'ngú li sunda ní mbia inde-e ne Ebhe.

Ní ali bhú mangimbo ka Adamu , ní akobho ka Yesu

¹² Ní mbila hana me, siti 'ngú ali píla doto ka koli kpála bini má kpikili! A 'li kpála ang-o me Adamu . Siti 'ngú ang-o atsia azu kuo. Ka li ndu okpála hana amene siti 'ngú lie, kuo atsia akolo li ndu uo hana. ¹³ Kala me Ebhe ha líli gba e

pi Moidje-e, siti 'ngú adu nani píla doto. Engú bini, inde lie me Ebhe nde ha nga nani líli gba e pi okpála de-e, ani du na'o 'to e 'to siti 'ngú gba uo de. ¹⁴ La-a, abana a adu lie mo-o, nayie li Adamu, nakolo li Moidje , kuo adu ne angu pí ndu okpála hana, abana pí okpála bhende i mene siti 'ngú maka Adamu andjo nani 'li Ebhe lie de-o. Adamu nani ne kulu kpála inde a ayo nani me ani go-o.

¹⁵ Engú bini, siti 'ngú gba Adamu-o kpo 'ndji e ne bisagu li Ebhe aha e padhá-a de. Eu ade, okpála bhelé amu kabula siti 'ngú gba koli kpála bini bhomu-o. Engú bini, bádha bhú 'bu gba Ebhe-e ane ne engbé. La di-e, bisagu inde ani aha e padhá pi okpála bhelé li kpadji gba koli kpála bini inde 'li e me Yesu Kilisito-o, ane di ne engbé. ¹⁶ Bádha bhú 'bu li Ebhe aha e pi okpála-a naae ngazu ngua koko. A viti bini ne siti 'ngú inde li koli kpála bini bhomu-o amene e de. Siti 'ngú li koli kpála bini bhomu-o amene e, amene me Ebhe 'o 'ngú pí okpála. La-a, bádha bhú 'bu li Ebhe aha e pi okpála padhá pita u amene siti 'ngú lie bhelé-e aha pi uo me u kolo ngbingbili kala Ebhe.

¹⁷ A na paká me kuo apa lie li okpála ka siti 'ngú gba koli kpála bini. Engú bini, kpála bhe koko inde 'li e me Yesu Kilisito-o ngamene naae okulu na ngbengbengbe. Li kpadji gba ani-e, Ebhe ngasuno bádha bhú 'bu gba e inde ane mane-e pi okpála padhá, ani di ngau uo bhú djila e me a ko okpála na ngbingbili. Bha li kpadji gba ani-e, u asía mukobho na dudu, u aú di ngámá ka ani.

¹⁸ Ní au me kabula siti 'ngú gba koli kpála bini inde 'li e me Adamu-o, mangimbo gba Ebhe-e ati pí ndu okpála hana. A bhadi moko, kabula bádha kulu gba kpála bini inde 'li e me Yesu Kilisito-o, okpála hana akolo ngbingbili bhú djila Ebhe. Bádha kulu gba Yesu Kilisito di ngaha mukobho pi okpála ngae. ¹⁹ Ka li kpála bini andjo 'li Ebhe lie, okpála bhelé ati bhú siti 'ngú. A bhadi moko, ka li kpála bini adje 'li Ebhe lie, okpála bhelé akolo ngbingbili bhú djila ani.

²⁰ Pindji bhende atsia líli gba Moidje-e , Ebhe aha nani pi okpála ngae. La natsitsia-a, siti 'ngú atsia abe matá ndu e naali. Engú bini, li bilí inde li siti 'ngú abe ndu e lie, bádha bhú 'bu gba Ebhe abe la matá ndu e ane mane. ²¹ A bhadi moko, maka li siti 'ngú apana angu e pi okpála lie li kpadji gba nakpi-e, bádha bhú 'bu gba Ebhe-e apána bhadi angu e pi okpála li kpadji nakobho uo. Bádha

bhú 'bu ang-o améne me ní kolo bhú makobho na dɔdɔma li kpadji gba Yesu Kilisito, Ngámá gba ní-o.

6

Ní akpi bhú dabilì bini ne Yesu, ní azúku bhadi maka ani

¹ Ní apá la ibili pi? Ní mene bha ibili siti 'ngú ne kalanɛ, amba bádha bhú 'bu gba Ebhe-e nɛ ne kalanɛ? ² Belegɛ de bini! Ní amu li pabilì gba siti 'ngú amu. Lele pi ní ti lie matá da nanɛ bhú siti 'ngú ne kalanɛ-o? ³ Yi mbila de me nedhinga ní asia batisimo lie, ndɛ ní hana ní akpɛtsɛ liní bhú dabilì bini ne Yesu Kilisito bhú nakpi ka e di? ⁴ Li kpadji na batisimo-o, ní amu ne ani bhú dabilì bini, u atsia azi ní ne ani bhú lata bhú dabilì bini ngɛbula me Ebhe 'dyi ní zuku di ní bhú ká okpála inde amu-o maka ani azuku Yesu Kilisito lie bhú angu gba e inde ane mane-o. Ani azuku ní ngɛbula me ní dɛ di ne lele makobho na mbia.

⁵ Padhá de, anga maka ní akpɛtsɛ liní ne ani lie bhú ngua nakpi inde ani akpi e-e, ní azúku bhadi ngua nazuku inde ani azuku e-o. ⁶ Ní mbila ndjindji me, nedhinga li Yesu Kilisito akpi lie li kulusi-e, Ebhe agi lele makobho gba ní na kalanɛ-o bhadi li kulusi oo ngɛbula me lele makobho bhomɛ-o kpi di, amba ní adú matá obalise gba siti 'ngú de. ⁷ Padhá de, anga kpála inde akpi-e, akoto bhú bali gba siti 'ngú akoto. ⁸ I dɛ me ní nde akpi bhú dabilì bini ne Yesu Kilisito akpi-e, ní bhadi ne nabhuka me ní adú bhadi ne ani bhú makobho. ⁹ Yesu Kilisito azuku nani azuku. Ní mbila hana me nayie li 'kpi bhomɛ-o, ani kpi matá-a de. Nakpi matá ne angu pí ani ade. ¹⁰ Bhú nakpi ka ani e-e, ani akpi li pápá na siti 'ngú bhɛtsibhɛtsi bini má kpikili! Ani nde lie bhú makobho mbia inde-e, ani bhú makobho pi Ebhe. ¹¹ A viti bhadi bini, ngayi di-e, yi 'o liyi mɛgito me yi amu li pápá gba siti 'ngú-o amu. La mbia inde-e, yi bhú makobho pi Ebhe li kpadji na makpɛtsɛ gba yi ne Yesu Kilisito.

¹² I nde lie mo-o, a ayo matá de me siti 'ngú ko angu e pí kɛte yi na kukuo inde-e de. Yi adhúku li lele gɛmɛ na sisiti gba kɛte yi bhomɛ-o de. ¹³ Yi a'ó matá oyá yi de me adɛ bhú kulu gba siti 'ngú maka otia kulu gba ani-e de. Yi ha

mangbo liyi pi Ebhe maka okpála inde amu, u atsia azuku. Yi ha liyi libhomu ngú kulu gba Ebhe maka otia kulu ngú namene ngbili 'ngú . ¹⁴ Padhá de, anga a ayo de me siti 'ngú ko matá angu e pi yi-e de, anga yi matá sa líli ade, engú bini yi mangbo sa bádha bhú 'bu gba Ebhe-o.

Ní matá ne obalise gba siti 'ngú ade, ní ibili ne obalise gba Ebhe

¹⁵ Mbia inde-e, ní matá ngadhuká sa líli ade, ní mangbo sa bádha bhú 'bu gba Ebhe. I nde li mo-o, a ayo me ní nà bha ne siti 'ngú ne kalanà anga ní nde sa bádha bhú 'bu gba Ebhe? Belegà de bini! ¹⁶ Yi mbila hana me i dà me m̀à nde bhú kulu gba kpála bini ngú namene engú aní ak̀nda e-e, m̀à ne bali gba kpála inde m̀à nde bhú kulu gba e-o. I dà me m̀à nde bhú kulu gba siti 'ngú-o, m̀à ne bali gba aní. M̀à dà bhú kulu gba Ebhe-e, m̀à ne bali gba aní. Yi mbila la me, siti 'ngú ngato kpála bhú kuo. Engú bini, namanga Ebhe ngamene me Ebhe 'o kpála ngbingbili bhú djila e.

¹⁷ Heni pi Ebhe, anga yi dà nako ne obalise gba siti 'ngú, la mbia inde-e, yi abhuka Ebhe. Yi atsia aziba di ne bua yi bini nadà bhú m̀akobho nakpata lele nasuno inde u asuno e pi yi-o. ¹⁸ Ebhe agbegbe yi bhú bali gba siti 'ngú-o agbegbe, yi atsia akolo obalise gba aní ngú namene engú inde ngbingbili. ¹⁹ Ma ngakpokpo 'ngú bhom̀à-o pi yi ne nasusuno li k̀te obalise, anga yi ngakè mboli engú má gala ade. Nani kalanà-o, yi aha k̀te yi libhomu maka obalise inde bhú kulu gba siti 'ngú inde ngazu kpéke 'ndji li pabili gba Ebhe. Maka yi aha nani liyi lie libhomu pi siti 'ngú-o, mbia inde-e, yi ha di liyi libhomu pi Ebhe maka obalise inde bhú kulu gba ngbili 'ngú ngubula me lele m̀akobho gba yi-e dà bhende nganga li Ebhe manga.

²⁰ Nedhinga yi adà nako lie obalise gba siti 'ngú-o, ehe bini ade inde i ti nako da natima yi me yi mene ngbili 'ngú. ²¹ Nedhinga yi adà lie amene osisiti 'ngú inde nga'o naki ǹm̀à li yi bhom̀à-o, yi asia bhúbhú mangua bádha 'ngú dho? Ehe bini ade! Ongú bhom̀à-o ngatima kpála bhú kuo. ²² La mbia inde-e, Ebhe agbegbe yi bhú siti 'ngú agbegbe, yi atsia akolo okpála na kulu gba aní-o. Li kpadji bhom̀à-o, yi asia nadà bhú m̀akobho inde nganga li Ebhe-o. Ali soso-o, yi asía m̀akobho na

duduma. ²³ Padhá de, anga makalá gba siti 'ngú-o, a ko nakpi, engú bini, Ebhe naae ngaha pi okpála mukobho na duduma inde bhú Yesu Kilisito Ngámá gba ní-e padhá.

7

Ní aze bhú bali gba líli-e aze

¹ Ondaise ma, yi mbila engú inde ma adjí apa e hana, anga yi ambila líli-e ndjindji. Yi mbila hana me líli ngako angu e pí kpála bha bini lí nedhinga aní nde lie bhú mukobho-o. ² Ní ha nga kukulu lí òlò inde bhú káva. Nedhinga lí 'ko aní nde lie tété-e, aní tí da na'ò ká aní ngú nanu naha bhoko koko de, anga líli ziba mo-o de. I du la me 'ko aní nde akpi-e, ehe bini inde aní matá kpadji pi aní ngú naha bhoko koko ade. ³ Bhobhomu-o apa me, i du me òlò yie nu ha bhoko koko me 'ko aní nde nga bha tété-e, líli apa me òlò bhomu-o akunda bhoko gba kpála koko. I du la me 'ko aní nde akpi ma kpi-e, líli ne engú bini pí aní ade. Kaka-a, aní tí da naha bhoko koko. U pá lí aní de me aní aha bhoko gba kpála koko-o de.

⁴ A bhadi pi yi moko, ngayi ondaise ma. Yi akolo lí pabíli gba líli maka okpála bhende amu, anga Yesu Kilisito akpi mada yi. Kaka-a, yi ibili ne okpála ka aní, ngaani kpála inde lí Ebhe azuku e-o. Ebhe amene mo-o ngubula me ní du azu pi ní onguwa na babadha. ⁵ Nedhinga ní adu nani akobho lie maka lí osisiti gumu na kute ní adu atima ní lie, líli adu apana pi ní me, a inde-e siti 'ngú. La-a, ní dje mo-o, kute ní adu mangbo atima ní me ní mene osisiti 'ngú bhomu-o. Osisiti 'ngú ango-o adu atima ní ne kalanu ngú nazu nguwa inde ngatima kpála bhú kuo.

⁶ Engú bini, mbia inde-e, maka ní amu lie lí pápá gba ehe inde a'ò nako ní bhú bali-e amu-o, líli matá ne engú pí ní ade. Kaka-a, ní tí da namene kulu liní pi Ebhe lí lele bhe na mbia. Ní améne kulu ango lí kpadji gba Bu Bhobua , a adú matá lí lele bhe na kalanu ní adu amene e sa líli inde u aye e maye-e de.

Líli gba Ebhe-e asuno siti 'ngú gba ní-e mbámá

⁷ I du mo-o, ní pa me líli ne ehe na sisiti? A mo-o ade! I du ka líli de-e, ma de mbila siti 'ngú de. U yé nani bhú líli de me: «Mo odú ne gumu 'he gba kpála

de-e»,[†] ma de mbila de me nadu ne gumu 'he gba kpála ne siti 'ngú-o de.

⁸ Nedhinga ma ambila líli bhomu-o lie, siti 'ngú au kpadji e abhú ma. A tsia amba bhúla ma me ma du ne gumu ohe gba okpála ngangá. Padhá de, anga li líli du de-e, siti 'ngú kó angu e pí ma de. ⁹ Nani kalanu me ma nde mbila nga líli de-e, bua ma adu má bii! La-a, nedhinga ma akè mboli engú li Ebhe akunda e lie, siti 'ngú me ni ngani bhomu, ¹⁰ ma atsia akpi. Líli inde li Ebhe aha e ngubula me aha makobho pi okpála-a, aha naae muma nakpi. ¹¹ Padhá de, anga ma ambila líli-e lie, siti 'ngú au kpadji e bhú ma. A apite bua ma, ma atsia akpi kaka.

¹² Bhobhomu-o atima ní naziba me ndu líli-e hana ayie ka Ebhe, la di-e ndu ongú inde u aye e bhúbhú-o hana ayie ka ani. Ehe na sisiti bhúbhú belegu ade bini. ¹³ A akunda napa me ehe na babadha-a abhèlè ma ngae? A mo-o ade! A abhèlè mangbo ma ne siti 'ngú. Siti 'ngú-o aha líli, ani atsia abhèlè ma nedi. A mene lie mo-o ngubula me okpála mbila me siti 'ngú bha ne siti 'ngú. Li kpadji gba líli-e, siti 'ngú atsia asuno la ibili me ni ane ne siti mane.

Nganí okpála-kuti-e, ní ngagu gbele ne siti 'ngú inde abedhe bhú ní bedhe-o

¹⁴ Ní mbila hana me líli-e ayie ka Ebhe. La ngama-a, ma ne kpála li angu nde bhú e ade, ma ne bali gba siti 'ngú. ¹⁵ Ma ngakè mboli engú inde ma ngamene e ade. Padhá de, anga ma ngamene engú inde ma kunda namene e de. Ma mangbo ngamene bhende ma ayala namene e-o. ¹⁶ I du me ma nde ngamene engú inde ma ngayala e, bhobhomu-o asuno me ma abhuka me líli ne bádha 'he. ¹⁷ Bhobhomu-o apa me nedhinga ma ngamene siti 'ngú lie, a ko ma de, a ko mangbo siti 'ngú inde asi kuti e abhú ma ko. ¹⁸ Padhá de, anga ma ambila me bádha 'ngú si kuti e bhú ma de, a akunda napa me bhú kute ma, ngama kpála inde li angu nde bhú e ade-o. A na paká me a bhú ma ne gumu namene bádha 'ngú, engú bini angu namemene la bhú ma ade. ¹⁹ Padhá de, anga bádha 'ngú inde ma akunda namene e-e, ma ngamemene ade. Siti 'ngú inde ma ayala namene e-e, ma mangbo ngamene e. ²⁰ Li ma du amene engú inde ma akunda namene e de-e, a kunda napa me, a ko ma de, a ko mangbo siti 'ngú inde asi kuti e abhú ma-o.

[†]7:7 Tsia bhú Eki. 20:17 di ne bhú Det. 5:21.

²¹ I nde lie mo-o, engú ma ngau e ndu 'kpí hana ngae inde: ngama kpála inde ne gũmũ namene bádha 'ngú-o, a bha bini bhú ma ne angu namene siti 'ngú. ²² A li bua ma-a, ma ngakpi ndjili li líli gba Ebhe-o. ²³ Engú bini, a bhú kũte ma-a, ma ngau líli koko inde ngagũ gbele ne líli inde li bua ma ngaziba e-o. Líli inde bhú kũte ma-a nga'o ma bali gba líli na siti 'ngú inde abhú ma-o. ²⁴ A ko likabhu mũma! A agbégebe ma sakpa kũte ma inde ngato ma li kpadji nakpi inde-e da? ²⁵ Heni pi Ebhe li kpadji gba Yesu Kilisito, Ngámá gba ní-o!

Ma ti da nabu 'li ma me, li bua ma-a, ma ne bali gba líli gba Ebhe, engú bini, li kũte ma-a, ma ne bali gba líli gba siti 'ngú.

8

Nadu bhú mukobho inde li Bu Bhobua aziba e

¹ Mbia inde-e, engú na'o'o matá pí okpála inde akpõtse lio bhú dabili bini ne Yesu Kilisito ade. ² Padhá de, anga líli gba Bu Bhobua inde ngaha mukobho pi kpála li kpadji gba Yesu Kilisito agbegbe ma bhú bali gba líli na siti 'ngú bhú dabili bini ne bali gba nakpi-e agbegbe. ³ Líli gba Moidje ti nako da naha mukobho pi ní de, anga nganí okpála-kũti-e, angu bhú ní ngú namene olíli-e hana-a de. Engú bini, Ebhe amene ehe inde li líli-e ti nako da namene e de-o. Ngú na'e osisiti 'ngú gba ní-e, ani atima Ndili gba e makpe me ani go kobho maka ní osisiti okpála. Bhobhomũ-o akũnda napa me Ebhe kũnda siti 'ngú inde li okpála ngamene e belegũ de bini.

⁴ Ebhe amene mo-o ngũbula me nganí okpála inde ngakobho maka Bu Bhobua akũnda lie, ní mene ndu 'ngú hana inde li líli-e aziba e, ní améne matá ongú maka li kũte ní aziba lie de. ⁵ Padhá de, anga mũ dũ akobho nakpata ongú inde li kũte mũ aziba e, mũ dũ bha nabhundja engú na kũte. Engú bini, mũ dũ akobho nakpata ongú inde li Bu Bhobua akũnda e-e, mũ dũ bhadi nabhundja ongú gba Bu Bhobua. ⁶ I dũ me mũ nde ngabhundja bha bini pí ongú inde li kũte mũ akũnda e-e, mũ kpí. Engú bini, li mũ dũ abhundja bha bini pí bhende li Bu Bhobua gba Ebhe-e ngakũnda e, Ebhe méne me mũ dũ bhú mukobho bhú dabili bini ne

guo 'ngú .

⁷ Okpála bhende ngabhundja bha bini ongú li káte o aziba e, a ko obhúla yala gba Ebhe. U ngamene líli gba Ebhe-e ade, u ti la di da namemene de. ⁸ Okpála bhende ngamene mo-o, u ti da nanga li Ebhe de.

⁹ La ngayi-e, yi ngamene engú maka li káte yi aziba lie ade. Yi ngamene engú maka li Bu Bhobua aziba lie-o. Padhá de, anga Bu Bhobua gba Ebhe ngadú bhú yi. Kpála inde li Bua gba Ebhe-e ngadú bhú e ade-e, a ko makilisito de. ¹⁰ Li Yesu Kilisito dú bhú yi-e, li pápá na káte yi-e, yi amú mamu, anga yi nde amene siti 'ngú. La li pápá na bua yi-e, Bua gba ani-e ngaha mukobho pi yi, anga yi akolo ngbingbili bhú djila Ebhe. ¹¹ La di-e, li Bua gba Ebhe inde azuku nani Yesu bhú ká okpála inde amu-o dú bhú yi-e, a na paká me Ebhe bini bhomú-o ahá di mukobho pi okáte yi na kukuó bhomú li kpadji gba Bua gba ani inde ngadú bhú yi-o.

¹² Kaka-a, ondaise ma, a ayo me ní dú akobho maka li Bu Bhobua akúnda lie, a ayo de me ní dú akobho maka li káte ní akúnda lie de. ¹³ Padhá de, anga yi dú akobho maka li káte yi makpe ngatima yi lie, yi mú. Engú bini, li Bu Bhobua teteke yi me yi 'o namene siti 'ngú na paká-a, yi sía mukobho. ¹⁴ Padhá de, anga ndú okpála hana inde ngadhúku maka li Bua gba Ebhe-e akúnda lie, a ko ongisi gba Ebhe.

¹⁵ Bu Bhobua inde li Ebhe aha e pi yi-e nga'o yi bhú bali ade, ani di ngabedhe matá yi ne tsúlú ade. A ko mangbo Bua inde ngamene me yi kolo ongisi gba Ebhe. Ka angu gba Bua bhomú-o, ní ti da nagama 'ngú pi Ebhe ne na'i ani me: «Aba, 'Dyi ya!» ¹⁶ Bua gba Ebhe-e belegú ngapapa ngae makpe pi ní abhú ní me ní ne ongisi gba Ebhe. ¹⁷ Ní ne ongisi gba ani-e na paká. A akúnda napa me ní asía obabadha 'ngú inde li Ebhe apa me ni ahá e pi ní-e masia. Ní asía obabadha 'ngú bhomú-o nganí bhú dabili bini ne Yesu Kilisito. Maka ní ngazú likabhu lie bhú dabili bini ne ani-e, ní adú bhadi bhú dabili bini ne ani li bíli gba ani na sangu-o .

Sangu inde ní nga'o 'to ní 'to e-o

¹⁸Ma ambila na paká me olikabhu ní ngazɛ e mbia inde-e kpo 'ndji e ne sangu inde li Ebhe ambámba galikpe 'ta e pi ní-e belegɛ de bini. ¹⁹Padhá de, anga ndɛ 'he inde li Ebhe abho e hana ngadjeke ne gɛgɛmɛ hana ekpí inde li Ebhe asúno lie mbámbá me okɛkulɛ ongisi gba ni-e ngao dho. ²⁰Padhá de, anga ndɛ 'he inde li Ebhe abho e hana ati sakpa angu na padhá. A ko de me ohe bhomɛ-o akɛnda ngao-o de, a ko mangbo anga Ebhe ato uo sa angu bhomɛ-o ngae. Engú bini, ohe li Ebhe abho e ti da na'o nga matá 'to e 'to engú bini. ²¹Engú ang-o me, ekpí akólo makolo li Ebhe tsía gbégbe bhú bali gba kuo ndɛ ohe inde ani abho e hana. U kpí matá-a de, u asía sangu maka ongisi gba Ebhe-o. ²²Ní mbila hana me nayie nani aoo, nakolo pi mbia inde-e, ndɛ ohe li Ebhe abho e hana-a, ngazɛ likabhu, u di ngazɛ tate o maka elɛ inde li bhú 'bu e nde ngazɛ ka ezú. ²³Ohe inde li Ebhe abho e bha bini ngazɛ likabhu kpi e kpi ade, abana nganí okpála inde asia Bu Bhobua maka gina 'he inde li Ebhe aha e pi ní-e, ní di ngazɛ likabhu. Ní ngazɛ likabhu ali bua ní nedhinga ní ngadjeke lie me Ebhe mene me ní kolo ongisi gba ni, amba ani gbegbe la di ní libhomu bhú bali. ²⁴Ebhe akobho nani ní akobho, ní u nga la sangu ang-o de, ní bha nga'o 'to ní toto. Li ní dɛ au ongú inde ní nga'o 'to ní 'to e ne djila ní-e, a bhomɛ-o matá na'o 'to o 'to 'ngú de, anga a nde sakpa ní. Padhá de, anga kpála 'o'o 'to e 'to ehe inde ani au e ne djila e au-o de. ²⁵Engú bini, i dɛ me ní nde u nga ehe inde ní nga'o 'to ní 'to e de-e, ní dɛ nadjedjeke ne 'ndjá bua.

²⁶Engú koko di ngae inde, Bu Bhobua ngateteke ní li kpadji gba Ebhe-o, anga angu nde bhú ní ade. Padhá de, anga ní mbila nayo Ebhe li lelele de. Bu Bhobua mangbo ngayo Ebhe mada ní ngae makpe. Ani ngayo Ebhe ne bua e hana da napa me u ti da napapa ne ebhɛ de. ²⁷Ebhe mbila ndɛ 'ngú hana inde bhú kpála. Ani ngambila di engú inde li Bu Bhobua ngakɛnda napa e hana. Padhá de, anga Bu Bhobua ngayo Ebhe mada omaha Ebhe maka li Ebhe akɛnda lie ngae.

²⁸Ní mbila hana me ndɛ 'ngú li Bu Bhobua ngamene e hana-a, ani ngamemene ngɛbula me okpála bhende ne mɛkɛnda pi Ebhe-e sia bádha 'ngú. A ko okpála inde li Ebhe a'i nani o me u mene engú inde ni akɛnda e. ²⁹Padhá de, anga Ebhe abhɛ nani uo kalanɛ, ani atsia apa di kalanɛ me ni améne me u kolo maka Ndili

gba ni, ngubula me Ndili gba ni-e da ne gina 'zu bhú ká ongisi bhelé. ³⁰ Obhe li Ebhe amene engú bhomɔ-o pi o-o, ani a'i di uo. Obhe ani a'i o-o, ani amene di me u kolo bhú djila ni okpála na ngbingbili . Obhe ani amene me u kolo bhú djila ni okpála na ngbingbili-e, ani amene di me u sia sangu gba ni-o.

Ehe bini gbó bhusu ní ne mukunda li Ebhe nde ne e pi ní-e de

³¹ Nakpata ndu 'ngú bhomɔ-o hana-a, ya ti da nabu tata-a me: «Li Ebhe nde lie pi ní-e, kpála bini ti da naha angu ní de.» ³² Ngaani Ebhe-e, ani gili Ndili gba e makpe pi ní de. Ani apu ani ngú napa me ani go kpi pi ndu ní hana. Maka ani apu Ndili gba e lie pi ní-e, ani ahá di ondu 'he koko-o hana pi ní bhú bádha bhú 'bu gba e-o. ³³ Kpála bini ne engú napa mapa li okpála li Ebhe abhu o ade. Padhá de, anga Ebhe ngae makpe au uo me u bhú djila ni ngbingbili.

³⁴ Kpála bini ti da na'o 'ngú pí okpála li Ebhe abhu o de. Padhá de, anga Yesu Kilisito ngae makpe akpi pi ní. Pépé-e, ani azuku, ani ali li pá 'kpa na kokpa gba Ebhe. Ani di ngayo Ebhe ngubula ní. ³⁵ A ti da nagbo bhusu ní ne mukunda li Yesu Kilisito nde ne e pi ní-e da? Abana ní da bhú likabhu, abana ní da bhú kpéke da 'ngú, abana li okpála da nato mbolo li ní, abana ní da bhú ndibhili, abana li kpéke 'ngú da nago ngú ní, abana li okpála da nakodho ngulɔ ní, abana li gumu da namene ní, ehe bini inde ayóko mukunda li Yesu Kilisito nde ne e pi ní-e belegu ade bini. ³⁶ A maka u aye lie bhú bhuku gba Ebhe-e me:

«Okpála ngagili ndu 'kpi hana me o bhelɔ ya

kabula 'ngú gba ma-o.

Okpála ngau ya mugito me

ya ne okandɔlɔ inde u adji abhili o.†»

³⁷ La bhú ndu 'ngú bhomɔ-o hana-a, ya ngaha angu ndu ongú bhomɔ-o hana ka angu gba kpála inde ne mukunda pi ya-o. ³⁸ Padhá de, anga ma ambila na paká me ehe bini inde agbo bhusu ní ne mukunda li Yesu Kilisito nde ne e pi ní-e ade.

Abana i da me ní nde bhú makobho, abana i da me ní nde amu, a viti bha bini.

Abana i da oandjelu , abana i da di ongú na biti, abana ongú na naki, abana ongú

†8:36 Tsia bhú Ets. 44:23.

inde ngago, bini bhú káká-a gbó bhṣṣ ní ne mākunda gba Yesu Kilisito de.

³⁹ Abana i dṣ ohe inde ngadṣ abhúlá, abana ohe bhende ngadṣ asa doto, abana ndṣ ohe koko hana inde li Ebhe abho e, ehe bini ade inde i ti da nagbo bhṣṣ ní ne mākunda inde li Ebhe nde ne e pi ní li kpadji gba Yesu Kilisito, Ngámá gba ní-o.

9

Ebhe ngamene ndṣ 'ngú hana bhú ngu e

¹ Ma ne kpála gba Yesu Kilisito ! Engú ma adji apa e inde-e, a ko kṣkṣlṣ 'ngú, ma pa eu de. Bu Bhobua ngasuno mṣma me 'li ma-a, a ko paká, bua nakpokpo kú 'ngú gba ma la bhadi ngaziziba moko me a ko paká. ² A ko paká me bua ma ne likabhu naali, likabhu inde li bua ma-a ndjindjia di-i de. ³ Li kpadji dṣ uu-o, ngama makpe, ma de ayó me Ebhe tṣ pṣdṣe li ma, amba ani gbo bhṣṣ ya ne Yesu Kilisito i dṣ me a nde ti da nateteke ondaise ma omaYuda u-o, anga a ko ondaise ma na piga. ⁴ A ko okpála na piga gba Isalaele. Ebhe abhṣ uo me u kolo ongisi gba ni, ani aha pi uo me u u sangu gba ni-o, ani akodho gandja ne uo bhṣṣibhṣṣi, ani aha líli gba e pi uo, ani asuno lele nayo pi uo, ani apa me ni améne obabadha 'ngú pi uo. ⁵ A ko odi Abalahama ne ongisi gba e-o. La di-e Yesu Kilisito ngae makpe li pápá na kṣte-e, a ko kpála na piga gba uo. Ngaani, a ko Ebhe inde pí 'ndji ndṣ 'he hana-o. A ayo me okpála toko ani dṣdṣma ne dṣdṣma. A adṣ moko.

⁶ Ma pa de me engú li Ebhe apa me ni améne e, aneke de. Ní mbila hana me a ko de me ndṣ odi Isalaele hana bha ne ongisi gba ani makpe-e de. ⁷ La di-e, ndṣ odi Abalahama hana bha ne ndṣ ongisi gba ani makpe ade. Padhá de, anga Ebhe apa pi Abalahama me: «Odi mṣ akóto li kpadji gba Isaka.†» ⁸ A akunda napa me ndṣ ongisi li Abalahama azu o hana ne ongisi gba Ebhe ade. Pi Ebhe-e, kṣkṣlṣ odi Abalahama bha bini ne ongisi inde ani azu o nakpata lele maka li Ebhe apa

†9:7 Tsia bhú Dje. 21:12.

nani lie me ni ahá pi ani-o. ⁹ Padhá de, anga Ebhe apa nani engú na ongisi ang-o pi ani me: «Bhú kalanga na sidi-e, bhú ngua onedhinga inde-e, ma agie matá lima, ma abháka me Sala nde azu ndili na bhobhoko.†»

¹⁰ A viti bhadi bini ne bhe gba Lebeka-o. Ndu ongisi gba ani-e bhisi hana, koli 'dyi uo bha bini, ogbi ní Isaka. ¹¹⁻¹² La-a, kala napa me u zu uo-o, Ebhe apa me: «Bhebhele-e adú kpála na kulu gba ndindili-o.†» Ebhe apa 'ngú bhomu-o kala me saka uo mene bádha 'ngú, i du di-e siti 'ngú. Lebeka nde zu nga uo de. Ebhe amene mo-o ngú nasuno me ni memene bha bini engú maka ni akunda lie. Ani ngabhu okpála bha bhú ngu e. Ani tsia de me kpála ang-o amene bádha 'ngú ne me ani amene siti 'ngú-o de. ¹³ A maka u aye lie bhú bhuku gba Ebhe-e me Ebhe apa me:

«Ma ne mukunda pi Yakobho, ma ayala Esau.†»

¹⁴ I du me a nde mo-o, ní pá me ngbili 'ngú bhú Ebhe adi? Belegu de bini!

¹⁵ Padhá de, anga Ebhe apa pi Moidje me:

«Ma kunda namene bádha 'ngú pi kpála-a,
ma méne.

I du di me ma nde akunda nadjé ndjinga kpála-a,
ma djé.†»

¹⁶ Bhobhomu-o akunda napa me, li Ebhe mene bádha 'ngú pi kpála-a, ani amene bha pi ani anga ani adje ndjinga ani. A ko de me ani amene pi ani anga kpála ang-o akunda ngae, ne me ani amene tété kulu-o de. ¹⁷ A maka engú inde ani apa nani e bhú Bhuku gba e pi 'ngbé ngámá na Edjipito me: «Ma a'o mu 'ngbé ngámá ngubula me ngama Ebhe-e ma pana angu gba ma bhú mu, di ne ngubula me ndu okpála na píla doto libhomu mbila me ma ne da-ie.†» ¹⁸ Kaka-a, ní ngau me li

†9:9 Tsia bhú Dje. 18:10-14.

†9:11-12 Tsia bhú Dje. 25:23.

†9:13 Tsia bhú Mal. 1:2-3.

†9:15 Tsia bhú Eki. 33:19.

†9:17 Tsia bhú Eki. 9:16.

Ebhe kunda nadjé ndjinga kpála-a, ani djé, ani kunda nato kpéke 'ndji bhú 'ndji kpála-a, ani tó.

Ní ti da nadjidji 'ngú sa 'li Ebhe de

¹⁹Nedhinga koko-o, kpála bini ti da nayi ma me: «Li Ebhe dú nabhú okpála maka ani akunda lie, ka ni ani nde lie nga'o 'ngú pí okpála, u nde bha ngamene bhomú-o bhende ani akata uo me u mene e?» ²⁰Ngamú kpála inde ngayi ma mo-o, má ne da ngú nadjidji 'ngú sa 'li Ebhe? Madakpa ti da nayi kpála inde apo ani-e uu me: «Mo omene ma me-e ka ni?» Belegú de bini!† ²¹Bhulú napo lusa ti da namene engú inde ani akunda e ne doto na lusa-a hana. Ani ti da nagbo bhúsú doto na lusa-a bhisi. Ani há bhe bini-e, ani méne tété lusa na kpéke mase, ani há bhe koko-o, ani méne tété lusa u amemene kulu ne e ndú 'kpí hana.

²²Li Ebhe kunda nadú maka bhulú napo lusa-a, naamú bhúbhú ne ni? Ani amene mo-o ngúbula nasuno ke 'ngú gba e, di ne me a bhú ni ne angu. La-a, ani akibila nani ne 'ndjá bua okpála inde a ayo nani me u sia ke 'ngú gba ani-o, inde adú nako masíkpe de napa me ani bhili o-o. ²³Ebhe amene mo-o ngúbula me okpála mbila me sangu abedhe bhú ni bedhe pí okpála inde ni nde ne ndjinga pí o-o. Ani aleke uo kalanú me u sia sangu gba ni-o. ²⁴Ní di ne okpála inde ani a'i o pí e. Ani bhú bha bini okpála ani a'i o pí e bhú ká omaYuda de, ani abhú di uo bhú ká opiga inde ne omaYuda ade-e uu. ²⁵A bhomú-o engú ani apa e bhú bhuku gba polofeta Oze me:

«Okpála inde nani i dú okpála ka ma de-e,
ma a'í uo me a ko okpála ka ma.

Okpála inde nani ma dú ne mukunda pí o de-e,
ma apá me ma ne mukunda pí uo.†

²⁶Li bíli nako ma apa pí uo lie me:

«Ngayi-e, yi ne okpála ka ma ade-e),
bha lí bíli bini bhomú-o, ma apá pí uo me:

†9:20 Tsia bhú Isa. 29:16, 45:9.

†9:25 Tsia bhú Oz. 2:25.

«Yi ne ongisi gba ma, Ebhe na mukobho-o.†»

²⁷ La pi okpála na Isalaele-e, polofeta Isaya agama di 'ngú li 'ngú gba uo-o. Ani atsia apa me: «Abana li omaf salaele du bha bhelé maka sike abhú 'ngbé 'ngu-o, yi mbila me obhe li Ebhe akóbho o-o bhelé ade. ²⁸ Padhá de, anga engú li Ebhe apa me ni améne e píla doto-o, ani améne bha hana má kpəkəbhe! Ani améne la di má gala!†» ²⁹ A di maka polofeta Isaya apa matá nani lie me:

«Li Ebhe Ngámá Apí 'Kpí bhíli nani
ongisi gba ní-e hana-a,
ní de andjulu maka okpála na Sodomo ne Gomolo
andjulu nani lie-o.†»

Okpála koko bhú ká omaf salaele bhuka de

³⁰ I du mo-o, ní ti da nabu tata pi? Engú inde ya akunda nabu tata ne e ngae inde, okpála inde bhú piga gba omaf salaele ade-e, gili nako nadu ngbingbili kala Ebhe de. La-a, Ebhe au uo me a ko okpála na ngbingbili bhú djila e ka u abhuka ni lie-o. ³¹ La-a, okpála na Isalaele inde adu agili me o kolo ngbingbili bhú djila Ebhe li kpadji namene líli-e, kolo nedi ali soso de. ³² U kolo nedi ali soso de ka ni? U kolo de, anga u adu abhundja me o kólo ngbingbili bhú djila Ebhe ka okulu gba o-o. U du abhuka de me kpála ngakolo ngbingbili bhú djila Ebhe ka nabhuka gba e de. U atsia ado 'dhu o li teme inde ngagbo 'i kpála-o. ³³ Bhuku gba Ebhe-e ngapa 'ngú na teme ango-o me:

«Yi gbo 'dje yi!
Ma nga'o bhú gudhu na Siona teme bini inde
li okpála ngado 'dhu o lie.
A ko teme inde ngagbo 'i kpála.
La-a, kpála abhuka ani-e,
ani djí 'ngbu e li ani 'kpí bini de.†»

†9:26 Tsia bhú Oz. 2:1.

†9:28 Tsia bhú Isa. 10:22-23.

†9:29 Tsia bhú Isa. 1:9.

10

¹ Ondaise ma, engú inde ma ngakunda e ne bua ma hana-a, a ko me omafalaale sia mukobho. Ma ngayo Ebhe pi uo nganga. ² Ma au me u akunda namene kulu lio pi Ebhe na paká. Engú bini, u mbila kpadji ango-o de. ³ U mbila kpadji li Ebhe ngau kpála li e bhú djila e ngbingbili-e de. U agili nade kpadji bhe gba o ngao makpe. Kaka-a, u ayala nakpata kpadji li Ebhe ngau kpála li e bhú djila e ngbingbili-o. ⁴ Padhá de, anga li Yesu Kilisito ago lie, ani andjia angu líli gba Moidje-o . Ani amene mo-o ngubula me ndu okpála hana inde abhuka ni-e kolo ngbingbili bhú djila Ebhe.

Ebhe ngakobho ndu okpála hana inde abhuka Yesu

⁵ Moidje aye engú pindji lele maka li Ebhe ngau okpála lie bhú djila e ngbingbili ka nakpata líli-o. Ani me: «Kpála inde akpáta ndu líli-e hana-a, adú bhadi bhú mukobho kaka.†» ⁶ Engú bini, u papa pindji lele maka li Ebhe ngau okpála lie bhú djila e ngbingbili ka nabhuka me: «Mo opá li bua mu de me: «A a'ú abhúla da?†»» Padhá de, anga li mu pa mo-o, a akunda napa me, mu ngayi li bua mu me: «A a'ú abhúla da ngú napa pi Yesu Kilisito me ani go bhaka ní kuto ei.» ⁷ Mo opá di li bua mu de me: «A aké asatə da?» Padhá de, anga li mu pa mo-o, a akunda napa me, mu ngayi li bua mu me: «A aké asatə da ngú nagbegbe Yesu Kilisito bhú ká okpála inde amu-o?†» ⁸ Bhuku gba Ebhe-e apa mangbo me:

«'Li Ebhe denge mu masikpe.

A bhú 'bhə mu, a di li bua mu.†»

Engú ya ngakpokpo e-e, a pindji eli bhomu, a ayo me okpála bhuka eli ango-o.

†9:33 Tsia bhú Isa. 8:14-15, 28:16.

†10:5 Tsia bhú Lev. 18:5.

†10:6 Tsia bhú Det. 30:13.

†10:7 Tsia bhú Det. 30:13.

†10:8 Tsia bhú Det. 30:14.

⁹ Li m̄ pa ne 'bh̄ m̄ kala nd̄ okpála hana me Yesu ne Ngámá-a, li m̄ bhuka di ne bua bini me Ebhe azuku ani bh̄ ká okpála inde amu-o, Ebhe kóbho m̄.

¹⁰ Padhá de, anga ní bhuka Yesu Kilisito li bua ní-e, ní kólo ngbingbili bh̄ djila Ebhe. Ní pa ne 'bh̄ ní mbámbá me Yesu Kilisito ne Ngámá-a, Ebhe kóbho ní.

¹¹ A maka u aye lie bh̄ Bhuku gba Ebhe-e me: «Nd̄ okpála hana inde abhuka ani-e, ani djí 'ngb̄ e li uo 'kpí bini de.†» ¹² Ka 'ngú ang-o, abana omaYuda, abana di okpála bhende ne omaYuda ade-e, u viti bha bini. Koli Ngámá gba uo bha bini. Ani ngaha obabadha 'ngú gba e bhelé pí nd̄ okpála hana inde ngayo ka ani me ani teteke o-o. ¹³ A maka u aye lie bh̄ Bhuku gba Ebhe-e me: «Nd̄ okpála hana inde ayó ka Ebhe Ngámá me ani teteke o-o, ani akóbho uo makobho.†»

¹⁴ A moko. Engú bini, li okpála bhuka ani de-e, u ayó ani lele pí? Li okpála dje engú gba ani-e de-e, u abhúka ani lele pí? Li kpála kpokpo 'ngú gba ani-e de-e, okpála adjé engú gba ani-e lele pí? ¹⁵ Li ani tima okpála de-e, u anú nakpokpo 'ngú gba ani-e lele pí? U aye di bh̄ Bhuku gba ani-e me: «Tsitsia nga, a ko djali nau okpála inde ngakpokpo obabadha ngali-e nago ne kpokpokpo!†»

¹⁶ Engú bini, a ko de me nd̄ okpála hana abhuka Bádha Ngali-e de. Padhá de, anga Isaya ayi nani beleḡ me: «Ngámá, a abhuka ongali ya akpokpo e pí okpála da?†» ¹⁷ Ní mbila me, kpála ngabhuka nedhinga inde ani adje ngali lie-o. Ngali bhom̄-o, a ko bhende ngal̄ pí 'li Yesu Kilisito-o.

¹⁸ I nde lie mo-o, ma ngayi me, a ak̄nda napa me omaYuda dje nga ngali bhom̄-o di? A mo-o ade, u adje! Bhuku gba Ebhe-e ngapa me:

«Ngbikpi ne sukpe u ngakpokpo 'li Ebhe ne nd̄ bili hana p̄la doto.

'Li uo akolo ne li nd̄ 'dje doto badha hana.†»

†10:11 Tsia bh̄ Isa. 28:16.

†10:13 Tsia bh̄ Djl. 3:5.

†10:15 Tsia bh̄ Isa. 52:7.

†10:16 Tsia bh̄ Isa. 53:1.

†10:18 Tsia bh̄ Ets. 19:5.

¹⁹ Ma ngayi matá engú bini, okpála na Isalaele kə mboli engú u adje e di? A mo-o ade, u akə mbolimboli akə! Ngaiza kalanu-o, Moidje apa nani me:

«Ebhe apa me:

«Ma améne engú da napa me

ngayi okpála gba ma-a yi kolo ne siti

bua pi okpála inde ne

okpála gba ma ade-o.

Ma améne engú da napa me yi kolo ne ke 'ngú pi

opiga inde li imbilang

nde bhú 'ndji o ade-o.†»»

²⁰ Pipita-a, polofeta Isaya apa belegu me:

«Ebhe apa me:

«Okpála inde i du agili ma de-e, au ma.

Ma asuno lima pi okpála inde

i du ayo ma de-o.†»»

²¹ La li 'ngú gba omaIsalaele-e, Ebhe apa me:

«Ekpí libhomu, ma ato 'kpa ma pi omaha ma me u gogo,

engú bini, u amene kpéke 'ndji,

u ayala engú inde ma adu napa e-o.†»

11

Ebhe ne ndjinga pi omaIsalaele

¹ Ma ngayi me, i nde lie mo-o, Ebhe abala omaha e abala? A mo-o ade! Padhá de, anga ngama makpe-e, ma ne maIsalaele. Abalahama ne ogbi ma, u azu ma bhú piga gba Bendjame. ² Ebhe bala omaha e inde ani abhu nani o pi e bhutode-e

†10:19 Tsia bhú Det. 32:21.

†10:20 Tsia bhú Isa. 65:1.

†10:21 Tsia bhú Isa. 65:1-2.

de. Yi mbila engú inde li Bhuku gba Ebhe apa e hana li bili inde li polofeta Eliya adu alopolo lie lie kala Ebhe li 'ngú gba okpála na Isalaele-o. ³ Eliya adu alopolo lie me: «Ngámá, u abhili opolofeta gba ma-o. U atsia agugumu di odabili inde ya tsutsulu 'he pi ma pí e-o. Ma atigala bha koli ma kpi ma kpi. U la bhadi ngagili nabhole ma.†»

⁴ Ebhe atsia agie pi ani pi? Ebhe agie pi ani me: «A mo-o ade, ma kpi ma kpi ade. Ma alila okpála ketø mananika pi ma makpe. U tutu lipuku o kala Bala inde li okpála ngau e maka Ebhe-e de.†» ⁵ Bhú okpí na naki inde-e, a bhadi moko. Dú omaIsalaele koko atigala, inde li Ebhe abhu o pi e ka bádha bhú 'bu gba e-o. ⁶ Ani bhú uo ka babadha okulu gba uo de, ani abhu uo ka bádha bhú 'bu gba e-o. Li Ebhe bhú uo ka obabadha okulu gba uo-o, ní de apá me bádha bhú 'bu gba ani-e, a ko bádha bhú 'bu de.

⁷ Bhobhomu-o akunda napa me okpála na Isalaele sia ehe inde u adu nagili e de. Okpála bini bini bhú ká uo inde li Ebhe abhu o-o asia ehe inde u adu nagili e bha bini ngao. La pi okpála koko-o, Ebhe ato kpéke 'ndji bhú uo. ⁸ A maka u aye lie bhú Bhuku gba Ebhe-e me:

«Ebhe amene me u aké mboli 'ngú bini de.

Ani ani djila uo me u aú kpí de.

Ani atsia abuku di 'dje uo me u adjé 'kpí de nakolo pi naki.†»

⁹ Davidi atu di nani 'kpa e li uo me:

«Oanokomia gba uo du pi uo maka ekú,

a adú pi uo maka ndjukudu li kpadji,

amba u sia mbini kulu inde u ngamene e-o.

¹⁰ A ayo me Ebhe dudu djila uo me u aú 'kpí de.

A ayo me Ebhe ha likabhu pi uo, me 'ngbu uo kodho.†»

†11:3 Tsia bhú 1 Ong. 19:10, 14.

†11:4 Tsia bhú 1 Ong. 19:18.

†11:8 Tsia bhú Det. 29:3, di ne bhú Isa. 6:10, 29:10.

†11:9-10 Tsia bhú Ets. 69:23-24.

¹¹Ma atsia ayi matá me, li okpála na Isalaele ati lie, u ati bha na paká-a? A mo-o ade! Engú bini, ka u ati lie, okpála inde ne omaIsalaele ade atsia asia məkobho. Ebhe amene mo-o ngubula napa me omaIsalaele dɛ ne siti bua li okpála inde ne omaIsalaele ade-o. ¹²Li omaIsalaele amene siti 'ngú lie, Ebhe amene bádha 'ngú pi ndɛ okpála na doto hana. Li omaIsalaele ati lie, Ebhe aha tia pi okpála inde ne omaIsalaele ade-o. I dɛ me Ebhe nde amene bádha 'ngú pi ndɛ okpála na doto hana nedhinga inde li omaIsalaele andjo 'li ani lie, ani améne la matá bádha 'ngú pi uo ane mane, nedhinga li ndɛ omaIsalaele hana agie lio lie li pápá gba ani-o.

Lele maka li Ebhe akobho okpála inde ne omaYuda ade-e lie-o

¹³Mbia inde-e, ma ngagama 'ngú inde-e pi yi okpála inde ne omaYuda ade-o. Ma ne bhulɛ titima inde li Ebhe atima e pi okpála inde ne omaYuda ade-o. Kaka-a, ma ngau kulu inde li Ebhe aha e mɛma ne tata. ¹⁴Ka ma ngau kulu ango-o lie ne tata-a, ma abhundja me okpála na piga gba ma-a adjé siti bua li ma tété, li Ebhe tsia kóbho di bini bini bhú ká uo. ¹⁵Li Ebhe abala omaYuda lie, okpála na opiga koko atsia apo bhúla o de ani. Li Ebhe ató guo 'ngú sɛnda o ne omaYuda lie, adú djali na ngbéngbé. A adú maka kpála inde akoto bhú kuo, ani atsia agie lie bhú məkobho!

¹⁶I dɛ me u nde aha ndu mapa na kalanɛ-o pi Ebhe-e, a akɛnda napa me mapa bhomɛ-o libhomu ne naani. Li u ha sie ndula pi Ebhe-e, a akɛnda napa me oyáyá-a hana di ne naani. ¹⁷Okpála na Isalaele maka 'lá ndula na olive. Ebhe ava oyáyá bini bini. Ani atsia ato yi, opiga koko inde ne omaYuda ade-e, bhú da oyáyá bhomɛ-o. Obabadha ohe inde li omaYuda adɛ asia e-e, ngayi omatobhəkayi-e, yi di ngasisia maka li oyá ndula asisia angu lie ka sie e-o.

¹⁸Kaka-a, a ayo de me yi u okpála inde maka oyá ndula inde u ava e padhá-a de. Yi nga'o liyi ne bhúlá ka ni? Sie ndula-a dha bhú yá e de, yá ndula adha mangbo bhú sie ndula ko. ¹⁹Eu ade. Mɛ ti da napa me: «Ebhe ava nani oyáyá bhomɛ-o ngubula napa me, ngama-a, ani to ma mada uo-o.» ²⁰A ko paká me, Ebhe ava nani uo anga u bhuka nani ani de. Mo osia dabili bhomɛ-o anga mo obhuka ani.

Engú bini, mo o'ó lím̄ kaka abhúlá naali de. D̄ mangbo ne ts̄l̄ Ebhe. ²¹ Padhá de, anga Ebhe va nani omaYuda padhá de, a asi la masi maka m̄. OmaYuda la nani ne ok̄k̄l̄ oyá ndula na olive ngao. M̄ lila lím̄ de-e, Ebhe akódho bhadi m̄ maka ani ava uo lie-o. ²² Mbila me Ebhe babadha, ani la di ngakodho 'ngú gba okpála ngbingbili. Ani ngakodho 'ngú gba okpála bhende nga'o ká kpadji gba ani-o. Ani la babadha li pápá gba m̄-o. La-a, a ayo me n̄ bha li kpadji gba ani-e ne kalan̄. I d̄ mo-o de-e, ani akódho di m̄ maka ani ava oyá ndula koko lie-o.

²³ La pi omaYuda-a, i d̄ me u nde a'o kpéke 'ndji gba o-o, Ebhe gíe matá uo li bili u ad̄ nako lie-o. Padhá de, anga Ebhe ne angu ngú nagie uo matá bhú da o ne toto. ²⁴ Ngayi okpála inde ne omaYuda ade-e, yi maka oyá ndula na olive inde u lu e malu de. Ebhe atsia ava yi, ani ago a'o yi li k̄te 'lá olive bhende u alu e malu. U memene la mo-o de. La pi omaYuda-a, uo maka oyá ndula na olive bhe u a lu e malu. Kaka-a, dá napa me Ebhe gie uo bhú dá o-o kpekpeke ade.

Ndjinga gba Ebhe-e pi nd̄ okpála hana

²⁵ Ondaise ma, ma ak̄nda me yi mbila engú inde li Ebhe awo e mawo-o, nḡbula me yi aú liyi m̄gito de me yi ne obh̄l̄ imbilanḡ-o de. Yi mbila me té okpála na Isalaele ad̄ nagbe kpéke 'ndji li 'ngú gba Ebhe-o, nakolo li 'kpí inde li nd̄ okpála inde ne omaYuda ade-e hana agíe lío lie agba Ebhe-o. ²⁶ Abhom̄-o li 'kpí ang-o, li omaIsalaele hana tsia kóbho maka li Bhuku gba Ebhe-e apa lie me:

«Kpála inde akóbho okpála ayíe bhú Siona .

Ani a'é osisiti 'ngú gba odi Yakobho.

²⁷ A bhom̄-o gandja inde ya akódho e ne uo-o,
nedhinga ma a'é osisiti 'ngú gba uo lie-o.†»

²⁸ Li ní tsia maka li omaYuda ayala Bádha Ngali-e lie, a ko obh̄l̄ yala gba Ebhe. Engú bhom̄-o amene lie lie mo-o, ngayi okpála inde ne omaYuda ade-e, yi atsia asia bádha 'ngú gba Ebhe-o. Engú bini, ní tsia maka li Ebhe abh̄ uo lie me u d̄ bhú nḡ ni-e, Ebhe nd̄ 'kpí hana ne m̄k̄nda pi uo ka gandja nani u

†11:26-27 Tsia bhú Isa. 59:20-21, 27:9.

akodho e ne onguo ogbi uo mo-o. ²⁹ Padhá de, anga li Ebhe ha 'he pi kpála-a, ani gbúla matá ka ani de. Ani 'i di kpála-a, ani dji matá mabhundja gba e li pabli gba ani-e de. ³⁰ Nani kalan-o, ngayi di-e, yi andjo 'li Ebhe. Engú bini mbia inde-e, yi ambila ndjinga gba Ebhe anga omaYuda andjo di 'li ani. ³¹ A bhadi moko. U andjo bhadi 'li Ebhe mbia inde-e ngubula me Ebhe dje ndjinga yi. Ebhe amene mo-o ngubula me ngauo di-e ni dje ndjinga uo mbia inde. ³² Padhá de, anga ka li nda okpála hana andjo 'li Ebhe lie, u akolo maka obhala tikpa. Ebhe amene mo-o ngubula me ni dje ndjinga nda uo hana.

Ebhe ngbéngbé ane nda 'he hana

³³ A na paká me bádha bhú 'bu gba Ebhe ane ne engbé mane! Imbilangu gba ani-e ane nda 'ngú hana! Ani mbila nda 'ngú hana! Engú inde ani ngabhundja e li bua e, kpála bini ti da nakpokpo kúkú de. Kpála bini ti da nakə mboli okpadji gba ani-e de. ³⁴ A maka u aye lie bhú Bhuku gba ani-e me:

«Kpála bini mbila mabhundja gba Ebhe Ngámá-a de.

Kpála bini ade inde i ti da nakpokpo pi Ebhe
lele engú inde ayo me ani mene e-o.†

³⁵ Kpála bini ade inde akpo naha 'he pi Ebhe
ngubula napa me ani da adjeke
me Ebhe gie pi ni-o.†»

³⁶ Padhá de, anga ani abho nda 'he hana ngae. Ani ngamene me nda 'he ni abho e hana da bhú mukobho. Ndunda hana ngagie lie agba ani. A ayo me okpála dhoge Ebhe duduuma ne duduuma! A adu moko.

12

Ebhe aha kulu pi okpála kpikpikpi

¹ Ondaise ma, i nde lie me Ebhe nde adje ndjinga ní mo-o, ma ayo ka yi me yi

†11:34 Tsia bhú Isa. 40:13.

†11:34-35 Tsia bhú Isa. 40:13, di ne bhú Dj. 41:3.

ha liyi ngayi makpe pi Ebhe maka makiso inde na ɔ. Yi du libhomu pi ani ngu nanga li ani. Pi yi-e, a bhomu-o kakulu lele nadhogu Ebhe-o. ² Yi adu amene 'he maka okpala na doto inde-e de. Yi 'o mangbo me Ebhe dji yi, amba ani ha pi yi imbilangu na mbia. Yi mene mo-o, yi tsia mbila me Ebhe akunda ni i-e. A akunda napa me yi ambila engu inde na babadha, engu inde anga li ani, engu inde li kpadji.

³ Kabula kulu inde li Ebhe aha e muma ka badha bu 'bu gba e-e, ma ngapa pi ndu yi hana me: yi au liyi ne bhula nane mane de. Yi mbila mangbo lele yi makpe, maka yi nde lie-o. Yi tsia lele nabhuka li Ebhe aha e pi yi ngu nambila me da yi ngae dho-ie. ⁴ Koli 'la kpala bha bini, engu bini oyaya teté bhelé inde ngamene okulu kpikpiki. ⁵ A viti bhadi pi ni bini. Abana ni nde lie bhelé-e, ni akolo koli kpala bini bu nakpotsu lini ne Yesu Kilisito-o . Ni atsia akpotsu lini maka oya kpala-kuti akpotsu lie lie-o.

⁶ Ebhe aha pi ni oangu ngangá ngu namene kulu nedi. Ani aha pi ni padha bu badha bu 'bu gba e, li lele maka anga li bua ani lie-o. Kaka-a, li saka ni sia angu nakpokpo eli inde ayie ka Ebhe-e, a ayo me, ani kpokpo nakpata lele nabhuka gba e-o. ⁷ Li Ebhe ha pi kpala koko angu nateteke obi e, a ayo me ani teteke uo. Li Ebhe ha pi koko angu nasuno 'ngu pi okpala koko-o, a ayo me ani suno. ⁸ Li Ebhe ha pi kpala koko angu nato masi bu obi e-e, a ayo me ani to masi bu uo. Li Ebhe ha pi kpala koko angu naru 'he pi obi e-e, a ayo me ani pu ne bua e hana. Li Ebhe ha pi kpala koko angu naru pi 'ndji obi e-e, a ayo me ani mene kulu angu-o ne badha bua. Li Ebhe ha pi kpala koko angu nateteke obhulu ndibhili-e, a ayo me ani mene ne djali.

Lele nakobho gba omabhuka

⁹ Yi du ne mukunda pi ndu okpala hana ne bua bini. Yi adu apa 'ngu na mukunda bha ne 'bhe yi de. Yi yala siti 'ngu, yi dhedhe li badha 'ngu. ¹⁰ Yi du ne mukunda sunda yi maka a ayo lie me ondaise du ne mukunda sunda o. Yi du ne mazima sunda yi na paká paká. ¹¹ Yi ha liyi pi kulu ne angu yi hana. Yi adu ne obhulu ipio de. Yi mene kulu liyi pi Ngamá ne bua yi hana. ¹² Yi du bu djali

kabula yi nga'o 'to yi lie 'to ohe li Ebhe apa me ni ahá e pi yi-o. Yi kibila okpekpeke da 'ngú ne 'ndjá bua. Yi ayó Ebhe ne ndala tété de. ¹³ Yi teteke ondaise yi inde bhú ndibhili-o. Yi sia obhende ngago li yi-e ndjindji.

¹⁴ Yi yo Ebhe me ani tuko bisagu pí okpála bhende ngato mbolo li yi-o. Yi ayó de me Ebhe tɔ pɔdjɔ li uo de. ¹⁵ Yi kpi djali bhú dabili bini ne obhende bhú djali-o. Yi ku 'gbá bhú dabili bini ne obhende bhú 'gbá-o. ¹⁶ Yi dɔ nadjɛ liyi sɔnda yi ne obi yi ndjindji. Yi adú ne 'ngbé 'ndji de, engú bini, yi ziba ndɔ kulu hana inde u ahá e pi yi-o, abana i dɔ bha kulu li okpála ngau e padhá. Yi aú liyi de me ni ambila ndɔ 'ngú hana-a de.

¹⁷ Yi agíe siti pi siti de. Yi le ne kpéke me yi mene bádha 'ngú kala ndɔ okpála hana. ¹⁸ I dɔ li naayi-e, yi mene ne kpéke me yi dɔ bhú guo 'ngú ne ndɔ okpála hana. ¹⁹ Ngayi okpála na mɔkɔnda gba ma-a, yi agíe siti pi okpála de, yi 'o mangbo me Ebhe gie siti pi uo ngae. Padhá de, anga Ngámá Ebhe apa bhú Bhuku gba e me:

«Ngama-a, ma agíe siti 'ngú li okpála amene e li yi-e ngama.

Ngama makpe,

ma améne uo nakpata lele engú u amene e li yi-o.†»

²⁰ Engú bini, pi yi-e, yi mene mangbo maka li Bhuku gba Ebhe-e apa lie me:

«I dɔ me a nde li bhulɔ yala gba mɔ-o ne gɔmɔ-o,

mɔ de ha ezɔ pi ani.

I dɔ li ani ne gɔmɔ 'ngu-o,

mɔ de ha engu nandji mandji pi ani.

Padhá de, anga mɔ mene mo-o, a adú mɔgito me mɔ ngabu

ndjekedhe djua na dédé pí 'ndji ani.†»

²¹ Mo o'ó de me siti 'ngú ha angu ni-e de. Engú bini, ha mangbo angu siti 'ngú ne namene bádha 'ngú.

†12:19 Tsia bhú Det. 32:35.

†12:20 Tsia bhú Gbt. 25:21, 22.

A ayo me ní manga ongámási mamanga

¹ A ayo me ndu yi hana, yi manga ongámási inde pí 'ndji ní-e mamanga. Padhá de, anga ndu okpála hana inde ngaɛ ngámá-a, u aɛ ka Ebhe. Aní a'o okpála inde ngaɛ ngámá-a ngae. ² Kpála inde ngagbe kpéke 'ndji lí ongámási-e ngagbe bhomu-o kpéke 'ndji lí lílí inde lí Ebhe a'o e-o. Okpála inde ngamene mo-o agbéle ke 'ngú gba Ebhe-e pí o makpe. ³ Okpála inde ngamene ngbili 'ngú kpekpe ongámási de, engú bini, a kpekpe mangbo ongámási ne okpála inde ngamene siti 'ngú-o. Kaka-a, lí mɛ kunda me ní adú nakpe ongámási de-e, mene bádha 'ngú ngubula me mɛ dɛ nanga bhú djila ongámási manga.

⁴ A mo-o. Padhá de, anga ongámási ngamene kulu inde lí Ebhe aha e pí uo-o ngubula me u teteke yi, amba yi dɛ amene bádha 'ngú. I dɛ la me mɛ nde ngamene siti 'ngú-o, mɛ de kpe ongámási makpe! Padhá de, anga angu lí Ebhe aha e pí uo-o, aní ha padhá de. Aní aha pí uo, anga aní a'o uo bhú kulu gba e ngú nasuno ke 'ngú gba e pí okpála inde ngamene siti 'ngú. ⁵ Kaka-a, a ayo me yi manga ongámási mamanga. Yi amánga bha bini uo ka nakpe ke 'ngú gba Ebhe-e de, engú bini, yi manga di uo ka anga yi ambila lí bua nakpokpo kú 'ngú gba yi-e ndjindji me, a ko bádha 'ngú.

⁶ A di bhomu-o ta 'ngú yi ngakala mandjandja ka e ko. Padhá de, anga Ebhe a'o ondombi na mandjandja ngubula me u mene kulu bhomu-o. ⁷ Yi ha pí kpála ne kpála ehe inde ati ne aní-o. Yi futa ndu mandjandja hana inde a ayo me yi futa e-o. Yi manga ongámási inde a ayo me yi manga o-o mamanga.

Ndu lílí hana agbite lie bhú mukunda

⁸ Yi adú ne bopulu gba kpála bini de. Yi dɛ bha bini ne koli bopulu bini na mukunda inde yi nde ne e sɛnda yi-o. Kpála inde ne mukunda pí obi e-e, aní amene bhomu-o ndu lílí gba Ebhe-e hana má kpəkəbhə! ⁹ Lílí gba Ebhe-e apa me: «Mo okúnda ələ, i dɛ di-e bhoko gba kpála koko de, mo obhéle kpála de, mo ozí 'he de, mo odú ne gɛmɛ 'he gba kpála koko de.» Olíli bhomu-o ne ndu olíli

koko hana agbite lie bhú koli líli bini inde me: «A ayo me kúnda kilí m̄ maka mo okúnda lim̄ lie ngam̄ makpe.†»¹⁰ Kpála inde ne m̄kúnda pí kilí e, aní méne aní sisiti beleḡ de bini. Kaka-a, m̄ d̄ ne m̄kúnda pí kilí m̄-o, mo omene bhom̄-o nd̄ líli-e hana.

A ayo me ní d̄ bedhe nd̄ nedhinga hana

¹¹ Yi 'o 'ngú bhom̄-o lí bua yi, anga yi mb̄la nedhinga ní nde bhú e hana. A inde-e nedhinga ayo lie me yi d̄ lí z̄k̄. Nedhinga inde lí Ebhe akóbho ní lie akolo masikpe, a matá tsutsu maka nedhinga nani ní abhuka lie ade. ¹² Ekpí-e abi abhue, ngb̄kp̄i ibili masikpe. Kaka-a, ní ad̄ matá namene engú na biti de. Ní dyi lí k̄te ní otia 'gú inde u agúḡ 'gú ne e ne ngb̄kp̄i-o. ¹³ Ní mene 'he liní ndj̄ndji maka okpála inde ngamene 'he ne ngb̄kp̄i. Ní ad̄ nadho osisiti 'bi de, ní ad̄ nalangba ne pandi de. Ní ad̄ nasi ne olisi, i d̄ di-e obhosi ngangá de. Ní ad̄ nagbe bhayiki de, ní ad̄ di ne 'ngbé bua lí okpála koko de. ¹⁴ Yi dyi mangbo Ngámá Yesu Kilisito lí k̄te yi maka tia 'gú. Yi ad̄ nadh̄k̄ maka lí k̄te yi akúnda lie de.

14

Yi aú okpála koko bhú djila yi padhá de

¹ Yi sia kpála inde bh̄bh̄k̄ bhú 'bu nabhuka-o , yi abí bhayiki ne aní p̄ndji engú bhende atsia mabhundja gba ani-e de. ² Ní ha nga kukulu p̄ndji engú na ez̄. Okpála koko ngabhuka me o tí da naz̄ nd̄ 'he hana. La-a, okoko inde bh̄bh̄k̄ bhú nabhuka-a ngabhundja me a ndj̄ndji bha bini ne naz̄ okpálá. ³ A ayo de me kpála bhende ngaz̄ nd̄ 'he hana-a u kilí e inde i z̄ mb̄lika de-e padhá-a de. A ayo di de me kpála bhende i z̄ mb̄lika de-e u di bhende ngaz̄ nd̄ 'he hana-a padhá-a de. Padhá de, anga Ebhe az̄ba di ani. ⁴ Ngam̄-o, m̄ ne da ngú nakodho 'ngú gba kpála na kulu gba kpála koko-o? Ngámá na kulu ne angu nakodho 'ngú gba kpála na kulu gba e ngae, abana ani mene babadha, ne me ani

†13:9 Tsia bhú Eki. 20:13-17, ne bhú Det. 5:17-21, di ne bhú Lev. 19:18.

ti li kpadji na kulu gba e-o. Ma au la bhadi me ani alú kpekpeke, anga Ngámá Yesu ne angu ngú nali ani me ani atí-i de.

⁵ Okpála koko ngabundja me oekpí koko ane okoko ne tata. La pi okpála koko, ndu 'kpí hana viti bha bini. A ayo me kpála ne kpála kə mboli engú ani ngabundja e li bua e ndjindji me a ko kəkəlu 'ngú. ⁶ Kpála inde ngau ekpí koko ngbéngbé-e, ngadhəgə Ngámá gba ní-o. Kpála inde ngazə ndu 'he hana-a, ngadhəgə di bhomə-o Ngámá gba ní-o. Padhá de, anga ani ngagie heni pi Ebhe pindji ezə inde ani ngazə e-o. Kpála inde i zə ndu 'he hana de-e ngamene mo-o ngú nadhəgə Ngámá gba ní-o. Ani di ngagie heni pi Ebhe pindji ezə inde ani ngazə e-o.

⁷ Yi mbila ndjindji me kpála bini ade bhú ká ní inde ngakobho ka e makpe. Kpála bini la di ade inde ngakpi ka e makpe. ⁸ I də me ní nde bhú məkobho-o, ní ngakobho ngəbula me ní toko Ngámá gba ní-o. I də me ní mu di-e, ní amu ngú naha sangu pi Ngámá gba ní-o. Kaka-a, belegə ní də bhú məkobho, belegə ní mu di mamu-o, ndu ní hana, ní ne okpála gba Ngámá Yesu. ⁹ Padhá de, anga Yesu Kilisito akpi, ani atsia azuku ngəbula nadə ngámá gba okpála inde bhú məkobho bhú dabili bini ne obhende amu-o. ¹⁰ I nde lie mo-o, ngamə-o, mə ngakodho 'ngú gba ndai mə-o ka ní? Ngamə-o, mə ngau ndai mə bhú djila mə padhá ka ní? Ndu ní hana, ní alú kala Ebhe ngú napa me ani kodho 'ngú gba ní-o. ¹¹ Padhá de, anga Bhuku gba Ebhe-e apa me:

«Ngama Ebhe Ngámá inde mə-o, ma apa pi yi na paká me ndu okpála hana atútu lipəkə o kuto kala ma.

Ndu uo hana tsia pá me ma ne Ebhe.†»

¹² Bhobhomə-o akunda napa me kpála ne kpála bhú ká ní akpókpo engú inde ani amene e ngae makpe-e pi Ebhe.

Mo otó kilí mə bhú siti 'ngú de

¹³ I nde lie mo-o, yi 'o nakodho 'ngú gba obi yi-e ma'o. Yi 'o mangbo li bua yi me a ayo de me ní mene engú inde li kilí ní asendele ka e de, ngú napa me ani li

†14:11 Tsia bhú Isa. 45:23.

bhú siti 'ngú-o de. ¹⁴ Bhú makpɔtɔsɛ gba ya ne Ngámá Yesu Kilisito-o, ma ambila na paká me ezɛ na ligina ade. Engú bini, li kpála bini bhundja me ezɛ inde-e sisiti-e, ezɛ bhomɛ-o akolo ligina pi ani. ¹⁵ I dɛ me mɛ nde ngato likabhu li bua ndai mɛ pɪndji ezɛ inde mɛ ngazɛ e-e, bhobhomɛ-o a akɛnda napa me mɛ ne mɛkɛnda pi ani ade. Kaka-a, lila limɛ me ni ató kpála inde li Kilisito akpi pi e bhú ngita kabula 'ngú na ezɛ de. ¹⁶ Li ehe dɛ bhú djila mɛ ndjɪndji-e, mo oméne de, i dɛ me mɛ nde au me, li mɛ mene e li okpála koko pá 'ngú tété sisiti-o.

¹⁷ Padhá de, anga Naɛ gba Ebhe-e , a ko engú na ezɛ, i dɛ di-e engú na pandi de. Engú bini, Naɛ gba Ebhe-e mangbo ne engú inde atsia kulu li Bu Bhobua ngamene e bhú ní-o. Bu Bhobua ngaha pi ní engú inde ngbingbili, ani ngaha pi ní nadɛ ne guo 'ngú sɛnda ní, ne nadɛ bhú djali. ¹⁸ Kpála inde ngamene kulu gba Yesu Kilisito li kpadji bhomɛ-o nganga li Ebhe ngae. Okpála ngapa di li ani me ani ngamene bádha 'ngú. ¹⁹ I nde lie mo-o, a ayo me ní gili namene engú inde ngato guo 'ngú sɛnda ní, engú inde ngamene me ní teteke liní li kpadji gba Ebhe-o.

²⁰ Mo obhéle kulu gba Ebhe-e ka engú na ezɛ de. A na paká me ndɛ ezɛ hana ndjɪndji ngú nazɛzɛ. La-a, a ndjɪndji ade me ní dɛ nazɛ 'he inde ngato kpála bhú siti 'ngú-o de. ²¹ Engú inde ndjɪndji-e ngae inde: a ayo natse nazɛ mbilika, a ayo natse nandji pandi, a ayo natse ndɛ 'he hana inde i ti da nato kilí mɛ bhú siti 'ngú. ²² Lila engú inde li bua mɛ ngapa e pi mɛ pɪndji engú na ezɛ di ne bhe na pandi-e pi mɛ makpe. Mo opá pi kpála koko de, engú angoo dɛ bha sɛnda mɛ ne Ebhe. A ko djali pi kpála inde li bua e yoko e li 'ngú bini de bhú ká ongú inde li bua ani ngatima ani me ani mene e-o. ²³ La-a, Ebhe a'ó 'ngú pí kpála inde ngazɛ 'he inde li bua nakpokpo kú 'ngú gba e ngayoko e li e-o. Padhá de, anga ani ngamene engú inde i lɛ pí nabhuka de. Yi mbila hana me, ndɛ 'ngú hana inde li kpála ngamene e me a nde lɛ pí nabhuka de-e, a ko siti 'ngú.

15

A ayo me ní mene engú inde nganga li obi ní manga-o

¹ A ayo me nganí okpála inde alɔ kpekpeke bhú nabhuka-a , ní teteke di okpála bhende kpekpeke ade-o. A ayo de me ní dɔ bha bini namene engú bhende nganga li ní-e de. ² A ayo me ní mene engú inde nganga li obi ní ngɔbula nateteke uo, amba u nɔ li kpadji gba Ebhe-e ne kalanɔ. ³ Padhá de, anga Yesu Kilisito ngae makpe gili nani engú inde adɔ anga lie de. Engú bini, a akolo li ani maka u aye lie bhú Bhuku gba Ebhe-e me: «Okpála asobho mɔ, Ebhe, abhomɔ-o, sobho ang-o atsia aku li kɔte ma.†»

⁴ Ndɔ ongú hana inde u aye nani e bhú Bhuku gba Ebhe-e , u aye ngɔbula nasuno pi ní kɔkɔlɔ 'ngú, ngú napa me ní dɔ na'o 'to ní 'to Ebhe. Padhá de, anga Bhuku ang-o ngato bhú ní masi, a la di ngaha pi ní nadɔ ne 'ndjá bua. ⁵ A ayo me Ebhe inde ngato masi bhú okpála-a, inde di ngaha 'ndjá bua pi uo-o mene me yi dɔ ne mabhundja bini, nakpata lele mɔkobho gba Yesu Kilisito. ⁶ Abhomɔ-o, ndɔ yi hana bhú dabilɔ bini, ne koli eli bini, yi tsia dhógò Ebhe, 'Dyi Ngámá gba ní Yesu Kilisito-o.

Ndɔ okpála hana atóko Ebhe

⁷ Kaka-a, yi dɔ nasia liyi sɔnda yi ne bua yi bini maka li Yesu Kilisito asia di yi lie-o. Yi mene mo-o ngɔbula me okpála dhógò Ebhe. ⁸ Ma apa pi yi na paká me, Yesu Kilisito akolo nani kpála na kulu gba omaYuda, ngɔbula me ani suno pi uo me Ebhe papa naae eu de. Ani ago nani ngú nabedhe 'bhò engú inde li Ebhe apa nani me, ni améne e pi onguo ogbi uo-o. ⁹ A ayo nani di me okpála inde ne omaYuda ade-e, toko Ebhe kabula ndjinga gba ani-o. A maka u aye lie bhú Bhuku gba Ebhe-e me:

«Kaka-a, ma atóko mɔ bhú ká okpála inde ne omaYuda ade,
ma alí oetsi pi mɔ.†»

¹⁰ Bhuku gba Ebhe-e apa matá di me:

«Ngayi okpála inde ne omaYuda ade-e,
a ayo me yi kpi djali bhú dabilɔ bini

†15:3 Tsia bhú Ets. 69:10.

†15:9 Tsia bhú Ets. 18:50.

ne okpála gba Ebhe-o.†»

¹¹ A atsia apa matá di li bìli koko me:

«Ngayi, ndu yi hana okpála inde ne omaYuda ade-e,
a ayo me yi toko Ngámá Ebhe.

A ayo me ndu okpála hana toko ani.†»

¹² Polofeta Isaya apa di me:

«Kpála bini akóto bhú piga gba Yese,
ani agó ngubula nau ngámá pí 'ndjí okpála inde ne omaYuda ade-o.
Okpála ango-o a'ó 'to o 'to ani.†»

¹³ A ayo me Ebhe inde amemene me okpála du na'o 'to o 'to ni-e bedhe yi ne djali bedhe di ne guo 'ngú , anga yi abhuka ani. Abhomu-o, yi tsia dú na'o 'to yi 'to ani na pakápaká bhú angu gba Bu Bhobua-o .

Polo akpokpo 'ngú pindji kulu gba e

¹⁴ Ondaise ma, ma ambila mbámhá me yi abedhe ne bádha 'ngú bhú yi bedhe. Ma mbila di hana me yi ambila ndu 'ngú inde a ayo me yi mbila e hana, di ne me yi ti da nasusuno sánda yi. ¹⁵ Belegu inde lie mo-o, ongú bini bini bhú balua inde-e, ma alu pépé kpekpeke ngubula me 'ndji yi ayie tété de. Ma aye mo-o kabula bádha bhú 'bu inde li Ebhe asuno e muma-o. ¹⁶ Ebhe a'o ma kpála na kulu gba Yesu Kilisito bhú ká okpála inde ne omaYuda ade-o. Ma aha lima libhomu pi Ebhe ngubula nakpokpo Bádha Ngali gba ani-e pi uo ngubula me u bhuka ani, amba u du maka makiso inde nganga li ani manga. Makiso ango-o, Bu Bhobua a'o kpi pi ani.

¹⁷ I nde lie mo-o, ma ne gindaginda bhú kulu inde ma ngamene e pi Ebhe-o, anga ya akpètse liya ne Yesu Kilisito bhú dabili bini. ¹⁸ Ma ti da napa 'ngú koko bini de. Ma apá bha bini engú inde li Yesu Kilisito amene e li kpadji gba ma-o. Ani amene me ma gbele okpála inde ne omaYuda ade-e kala Ebhe ngubula me u

†15:10 Tsia bhú Det. 32:43.

†15:11 Tsia bhú Ets. 117:1.

†15:12 Tsia bhú Isa. 11:10.

dɛ namanga anɪ. Anɪ amene mo-o bhú oeli inde ma akpokpo e-o, di ne bhú okulu inde ma amene e-o. ¹⁹ Anɪ amene di mo-o bhú ongamba ’ngú ngangá di ne bhú nau maka li Bu Bhobua gba anɪ-e adɛ nasuno angu gba e lie-o. Abhomɛ-o, ma atsia akpokpo Bádha Ngali gba Yesu Kilisito pi okpála ne ndɛ bili hana, nayie bhú Yelusalema nakolo makolo bhú ndu doto na Ilili. ²⁰ Ma adɛ nakɛnda ndɛ ’kpí hana nakpokpo Bádha Ngali-e li bili inde li okpála dje nga engú gba Yesu Kilisito lie de-o. Ma dɛ nakɛnda nakpokpokpo li bili inde u adje engú gba anɪ-e lie adje-de, ngɛbula me ma ayíki eti li bili li kpála koko abhɛ ka kulu lie abhɛ-o de. ²¹ Ma amene maka u aye lie bhú Bhuku gba Ebhe-e me:

«Obhende u kpokpo nga nani engú gba anɪ-e pi o de-e,
u aú anɪ.

Obhende i dje nga nani engú gba anɪ-e de-e,
u aké mbolimboli.†»

²² A bhomɛ-o engú inde anɪ kpadji mɛma bhɛtsibhɛtsi me, ma akólo li yi de-o.

Gumɛ gba Polo ngú nanɛ bhú gɛdhɛ na Loma

²³ Kalanga bhelé ane, ma adɛ ne gumɛ nakolo li yi, engú bini, kulu adɛ nani kpadji mɛma. La mbia inde-e, kulu gba ma bhú ondu doto ango-o andjia.

²⁴ Sunda ’kpí inde-e, ma adji bhú Esipanye. Li ma dɛ nanɛ-o, ma apú bhú Loma ngɛbula me ní si mbo ne yi ekpí bhisi. Pipita-a, yi téteke ma me ma kodho ’kpí.

²⁵ La-a pi mbia inde-e, ma adji nga bhú Yelusalema ngɛbula nateteke okpála gba Ebhe inde oo-o. ²⁶ Padhá de, anga omabhuka na Makedonia di ne Akai au ndjindji me o po bhúla tia ngɛbula nateteke omabhuka inde bhú ndibhili bhú Yelusalema ne di. ²⁷ U abhundja engú ango-o bhú ngɛ o, a ayo la bhadi nako me u mene moko. OmaYuda ateteke okpála bhende ne omaYuda ade-e ngɛbula me u sia bádha bhú ’bu gba Ebhe . Kaka-a, a ayo bhadi me okpála inde ne omaYuda ade-e teteke omaYuda ne oehe inde aneke ka uo-o. ²⁸ Abhomɛ-o, i dɛ me ma nde andjia kulu bhomɛ-o andjia-a, ma kódhó ’kpí bhú Esipanye. A akɛnda napa me pita nandjia nagapa tia u apo bhúla e li uo-o. Kala nakodho ’kpí ka ma-a, ma apú

†15:21 Tsia bhú Isa. 52:15.

ngaiza agba yi. ²⁹ Ma ambila me ma akólo lie agba yi-e, Yesu Kilisito asúno bádha bhú 'bu gba e pi ní na kuo kuo.

³⁰ Ondaise ma, ma ngayo ka yi ne 'li Ngámá gba ní Yesu Kilisito, di ne 'li mukunda inde li Bu Bhobua ngaha e me, yi kpetsè liyi ne ma bhú gbele inde ma ngagɛ e ne nayo Ebhe mɛma. ³¹ Yi yo Ebhe me nedhinga ma akólo lie bhú Yudaya-a, okpála inde i bhuka Yesu Kilisito de-e ató mbolo li ma de. Yi yo di Ebhe me, omabhuka inde bhú Yelusalema sia oehe inde ma adji ne e pi uo-o ne bádha bua. ³² Abhomɛ-o, i dɛ me Ebhe nde akunda-a, ma kólo agba yi ne djali li bua ma, ní tsia dá ne yi bhú dabili bini. ³³ A ayo me Ebhe inde ahaha guo 'ngú-o dɛ bhú dabili bini ne ndɛ yi hana. A adɛ moko.

16

Polo yi okpála bini bini na Loma mayi

¹ Ma ngakpokpo 'ngú pi yi pindji ndai ní na ølø Foebe. Ani ngamene kulu bhú Dadjua gba Ebhe inde bhú Sekele-o. ² Li ani akólo lie agba yi-e, yi de sia ani ndjindji kabula 'li Ngámá gba ní Yesu Kilisito . A ayo me okpála gba Ebhe-e dɛ namene moko. Yi teteke ani ne ndɛ 'he hana inde ani nde ne gɛmɛ e-o, anga ani ateteke okpála bhelé, ani atsia ateteke belegɛ di ma.

³ Ma yi Pilisila ne 'ko e Akuila mayi. Ngaya ne uo-o, ya amene kulu gba Yesu Kilisito bhú dabili bini. ⁴ U di me mu ngɛbula nakobho ma. Ma ngagie heni pi uo naali. A ko la bha bini ma kpi ma kpi de, engú bini, ndɛ oDadjua gba Ebhe hana inde bhú ndu doto gba omaYuda ade-e di ngagie heni pi uo. ⁵ Ma yi di okpála na Dadjua inde apɛpøkɛbhø bhúla o ngɛbula nayo Ebhe bhú 'ti gba uo-o mayi.

Ma yi ndai ma na mukunda Epainete mayi. A ko kpála na kalanɛ inde abhuka Yesu Kilisito bhú ndu doto na Adjia-o. ⁶ Ma yi di Malia inde amene kulu pi yi naali-e mayi. ⁷ Ma yi di okpála gba ma, Adolonikasi ne uo ne Djuniasi^a mayi.

^a16:7 Okpála bhelé ngabhundja me Adolonikasi nani ne 'ko Djuniasi. Okoko ngabhundja naao me a ko nani ondaise.

Ngaya ne uo-o, ya adu nako bhú tikpu bhú dabili bini. A ko obhulu titima inde li okpála mbila o ndjindji naali. U abhuka nani Yesu Kilisito mama kalanu.

⁸ Ma yi di ndai ma na mukunda Apiliatusi mayi. Ya akpetse liya ne ani bhú 'bu Ngámá gba ní-o. ⁹ Ma yi di Ulubano mayi. Ya ngamene kulu gba Yesu Kilisito ne ani bhú dabili bini. Ma yi di ndai ma na mukunda Sitakisi mayi. ¹⁰ Ma yi Apelesi mayi. Ani azu likabhu kabula Yesu Kilisito, ani atsia ala kpekpeke. Ma yi di okpála na piga gba Alisitobile mayi. ¹¹ Ma yi di Elodiona mayi. A ko kpála na piga gba ma. Ma yi di okpála gba Ebhe inde bhú piga gba Nalasisi mayi. ¹² Ma yi di Tilifene ne Tilifose^b mayi. U aha lio ngu namene kulu gba Ngámá gba ní-e ne bua o bini. Ma yi di ndai ní na eole na mukunda inde 'li e me Peleside mayi. Ani aha di lie ngu namene kulu gba Ngámá gba ní-e ne bua bini. ¹³ Ma yi Lufusi, kuku bádha kpála na kulu gba Ngámá gba ní-e mayi. Ma yi di 'hi ani, inde ateteke ma maka kuku ndili gba e makpe mayi.

¹⁴ Ma yi di Asikilite ne Felegone ne Elemesi ne Patalobasi ne Elemasi di ne ndu ondaise ní hana inde bhú dabili bini ne uo-o mayi. ¹⁵ Ma yi di Filologe ne Djulie ne Nele di ne ndai e na eole-o mayi. Ma yi di Olipasi di ne ndu okpála gba Ebhe-e hana inde ne uo-o mayi.

¹⁶ Yi yi liyi sánda yi bhú dabili bini ne mukunda gba omabhuka-o . Ndu oDadjua gba Yesu Kilisito-o hana yi yi mayi.

Polo aha olili na soso pi omabhuka na Loma

¹⁷ Ondaise ma, ma ngagbele 'dje yi me: yi lila liyi ka okpála inde ngabi bhayiki li ongu inde u asuno e pi yi-e malila. Uo ngagbogbo bhusu okpála, u tsia mbá bhála uo li osisiti kpadji. Yi gbe liyi de uo magbe. ¹⁸ Padhá de, anga ongua okpála bhomu-o ngamene kulu gba Ngámá gba ní Yesu Kilisito ade. Engu bini, uo mangbo ngamene engu bhende a nga li o makpe. U ngapite okpála inde i mbila kali de-e ne obabadha oeli di ne oeli ngu nabo kpála. ¹⁹ La pi yi-e, ndu omabhuka hana ambila me, yi ngamanga Ngámá gba ní-o. Abhomu-o, ma ngakpi djali naali kabula yi, ma akanda la di me yi mbila engu inde babadha ngubula namemene, di

^b16:12 Tilifene ne Tilifose nani ne olisi.

ne me yi améne siti 'ngú de. ²⁰ Ebhe inde ahaha guo 'ngú-o teteke yi me yi dedele Satana ne 'dhá yi má gala! A ayo me Yesu Ngámá gba ní-e suno bádha bhú 'bu gba e pi yi!

²¹ Timoté, inde ngamene kulu bhú dabili bini ne ma-a, yi yi mayi. Okpála gba ma, Lukiusi ne Djasone ne Sosipatele, yi di yi mayi.

²² Ngama Teletiusi-e, Polo apa muma ngae me ma ye balua inde-e pi yi. Ma yi di yi mayi ne 'li Ngámá.

²³ Gayusi, inde ma ngadu gba e-e, yi di yi mayi. Okpála na Dadjua gba Ebhe inde ei-e ngapo bhúla o bhú 'ti gba ani. Elaste, inde alilila tia na gadu-o bhú dabili bini ne ndai ní Kualatusi, yi di yi mayi. [²⁴ A ayo me bádha bhú 'bu gba Ngámá gba ní Yesu Kilisito du bhú dabili bini ne ndu yi hana! A adu moko.]

²⁵ A ayo me ní dhogè Ebhe! Ani ti da naha angu pi yi ngubula me yi lu kpekpeke li kpadji gba ni-o, maka Bádha Ngali inde ma ngakpokpo e pi okpála pindji Yesu Kilisito apa lie-o. Ebhe mbamba nga nani ta Bádha Ngali ango-o pi okpála kalanu de. ²⁶ La mbia inde-e, ani ambamba tata pi okpála. Okpála la bhadi ngakpokpokpo maka li opolofeta aye nani lie-o. Ebhe inde ngadu duduama ne duduama akata nani opolofeta me u ye me ndu opiga hana dje Bádha Ngali bhomu, ngubula me okpála bhuka ani, amba u manga di ani. ²⁷ A ayo me ní dhogè Ebhe duduama ne duduama! Kaku lu imbilangu makpe bha ka ani kpi e kpi. A ayo me ní dhogè ani kabula Yesu Kilisito! A adu moko.